




Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
1121 F 65






Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
1121 F 65



Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
1121 F 65



Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
1121 F 65


*Handwritten text, possibly a signature or initials, in the upper left corner of the page.*

(v. d. L. 524.) 11-16-

~~10-20-30~~

KW 1121 F-65





Licij Antistii Constantis


L. L. 167  
Dro

De Jure

ECCLESIA-  
STICORUM,

Liber Singularis.

*Quo docetur: Quodcunque Divini  
Humanique Juris Ecclesiasticis  
tribuitur, vel ipsi sibi Tribuunt,  
hoc, aut falsò impièque illis Tri-  
bui, aut non aliunde, quam à suis,  
hoc est, ejus Reipublicæ sivè Civi-  
tatis Prodiis, in quâ sunt consti-  
tuti, accepisse.*



ALETHOPOLI,  
Apud Cajum Valerium Pennatum.

CIO IO CLXV.

PR  
AUC  
U  
aut sunt,  
homines  
maxime  
genio, le  
mirati on  
quam in  
rum, p  
mulatu  
ta mih  
causam  
lum est  
argume  
modo  
homine  
plures

## PRÆFATIO

# AUCTORIS.

**Q**uemadmodum omnia,  
quæcunque noviter  
dicuntur, scribuntur  
aut fiunt, suspensos & incertos  
homines efficere soleant. Et  
maximè eos, qui suo diffusi in-  
genio, leves & inconstantes ad-  
mirari omnium rerum *Novitates*  
quam inquirere malint: quo-  
rum, proh dolor! hominum  
multitudo est longè maxima;  
ata mihi quoque eandem ob-  
causam nullo modo dubitan-  
dum est: quin hic *Liber singularis*  
argumenti sui novitate, non  
modo suspensos & incertos  
homines effecturus, sed longè  
plures etiam admiratores, quam

## P R Æ F A T I O.

Veritatis, quæ eo traditur, in-  
quisitores inventurus sit. Et ut  
est ingenium admiratorum e-  
jusmodi, qui ipsâ re & argu-  
mento relicto, & ad Scriptorem  
conversi, illud inprimis scire &  
cognoscere sint desideraturi:  
Quis nam ille sit? Quænam  
eum Ratio moverit? & quo-  
nam Auctore ad hoc opus con-  
scribendum accesserit? Quæ  
quidem tria, quàmvis mihi per-  
quam ineptum videatur quen-  
quam scire & cognoscere vel-  
le, & otiosum, longâ & mole-  
stâ oratione profèqui: operæ  
tamen esse pretium putavi,  
non nihil & quidem breviter,  
de singulis præfari. Et de *scri-  
ptore* Operis semper ferè ineptè  
quæritur: quoniam plærum-  
que

P R Æ F A T I O.

que pauci admodum sunt, qui  
eum noverint, qui suis tantum,  
quibuscum ei vitæ consuetudo  
& familiaritas intercedunt, co-  
gnitus sit, & esse possit, vix co-  
gnitus cæteris, quibuscum ean-  
dem Remp. sive Civitatem,  
vel Municipium incolit. Nisi  
fortè cognitionis loco ducatur,  
quod alii, quam Amici & Fa-  
miliares Nomen ejus vel Co-  
gnomen Familiæ, ut & speciem  
ejus externâ sive etiam Corpus  
ejus sciant & cognoscant: Sed  
hos nihil amplius novisse, quam  
cæteros, qui horum nihil nove-  
rint vel ex eo plus quam mani-  
festum est: quod hoc pacto ni-  
hil noverint ejus, quod ita co-  
gitaverit, ut scriptum est, & ut  
ità scribi potuerit. Et hoc ta-

P R Æ F A T I O.

men leves illi & inepti homines, quoniam *Scriptorem* ipsum, i. e. *Animam* ejus ex Opere scripto scire & cognoscere non possint, se scire & cognoscere opinantur, si illa omnia, quæ supra scripta sunt, aut vel partem eorum noverint & conspexerint. Quo nihil levius, nihil etiam ineptius est. Nam verissimum est, & Viri prudentes & graves jam dudum docuere: melius & incorruptius de eo judicari, cujus Opera solum legimus, & de quo cætera illa non novimus, quam cujus hæc omnia noverimus. Quoniam nullâ ratione aut modo melius, quam ex ipsis Operibus *Homines* ipsi, i. e. *Anima* hominum cognoscantur; & huic  
cogni-

## P R Æ F A T I O.

homi  
plum,  
recri-  
e non  
dicere  
que  
el par-  
con-  
is, ni-  
m ve-  
entes  
ere:  
e eo  
olum  
a illa  
hec  
nam  
me-  
ibus  
omi-  
hic  
gni-

cognitioni eorum omnium co-  
gnitio, quæ nihil ad animarum  
cognitionem pertineant, aut  
conferant, odio, invidiâ, vel  
amore obesse consueverit.

Quanquam autem, quæ *Ratio*  
quemquam moverit, & quo  
*Auctore* ad Opus aliquod con-  
scribendum quisquam accesserit,  
varias ob causas non omni-  
no ineptè nonnunquam quæ-  
ratur: hîc tamen perquam ine-  
ptè, ut opinor, quæretur. Tan-  
tum enim abesse à rectâ Ratio-  
ne, & rerum humanarum non  
planè imperito oportere arbi-  
tror, ut quisquam quæreret,  
quod mirari magis liceat & o-  
ptimâ, neutiquam autem ine-  
ptâ ratione vicissim quærere:  
Quamobrem Ego primus hoc

A 4

argu-



## P R Æ F A T I O.

argumentum tractaverim, aut ita tractaverim? Et Nemo me prior quod sciam extiterit, qui ita tractaverit? Quapropter si *Rationem*, quæ me moverit quispiam scire & cognoscere velit: ea impia, inepta & perniciofa omnis ævi Ecclesiasticorum *Ambitio* est. Si *Auctorem*: Pia istius impiæ, ineptæ & perniciosæ Ecclesiasticorum ambitionis *Indignatio* est. Quis enim sanâ mente præditus & omnis Veritatis, præsertim *Divina*, amans cupidusque, nullo Jure nullâque Ratione omnia omninò Ecclesiasticorum, quæ dicuntur, Privilegia esse subnixâ non videret, si animum modò ad *Divinam* hanc *Veritatem* cognoscendam applicuerit?

Quis

P R Æ F A T I O.

Quis quæso, qui viderit, eam privilegiorum doctrinam, ob impietatem, ineptias, & perniciem, non indignaretur? Ego certè Neminem tantâ non dicam, stultitiâ & impietate, sed nec animi stupore correptum fore arbitrari possum, qui summa Indignatione non commoveretur. Accedebat omnium ferè hominum incuria perquam deploranda, quæ eam rem non curent aut Veritatem non inquirent: Et hinc in omnibus ferè hujus *Veritatis* ignoratio, quam Ecclesiastici non modo covent, sed etiam procurant, ne quid mali falsique suspicarentur. Denique & illud me vehementer commovit, & si nulla alia Ratio superfuisset, vel

## PRÆFATIO.

hæc sola me ad hoc Opus con-  
scribendum compulisset: Quod  
& Dei Opt. Max. & publicæ  
privatæque utilitatis & salutis  
interesse arbitrabar totum hoc  
negotium Ecclesiasticorum ita  
patefieri & doceri, ut *sani* ho-  
mines ab illis posthac decipi  
non possent: *Pii* autem & *Boni*  
rectæ Rationi, & proinde Deo  
Opt. Max. & publicæ privatæ-  
que utilitati & saluti vitam  
convenientem instituerent.  
Quam obrem etiam mihi ne-  
quaquam convenire videba-  
tur, ut, cum Tantopere pro-  
desse possem, omnibus Animi  
Corporisque viribus prodesse  
non conarer. Cæterum longâ  
& Excogitatâ oratione bonam  
fidem, quâ primò animum ad  
hoc

P R Æ F A T I O.

hoc Opus conscribendum applicui, quâ suscepi, & susceptum perscripsi, non demonstrabo: quia omnimodò frustrà esset; Nam adversarii fidem dictis non adhiberent aut detraherent: Sanis autem & Piis & Bonis vel illæ ipsæ Rationes & Argumenta, quibus utor, plenam & indubitatatam, ut confido fidem facient. Quemadmodum etiam *calumnias* & *Captationes* Lectorum non deprecabor: Nam illi nihilominus quid vis calumniabuntur & captabunt: hi autem nullam calumniandi & captandi causam rationemque se habere fatebuntur. Et eandem ob causam, cum vano & inutili labore illorum calumniis & captationi-

P R Æ F A T I O.

tionibus responderem, jam  
nunc illis prædico, quæcun-  
que adversus Me sive in hunc  
*singularem Librum* dixerint & scri-  
pserint, me non responsurum.  
Novi enim hoc genus homi-  
num *Ecclesiasticorum* & artes eo-  
rum, ut & aliorum corruptos  
*Mores & Iudicium*, qui his præ-  
ceptoribus folis, & non suâ  
tantum *Ratione* uti consueve-  
rint: ut mihi latere non possit,  
quænam quibusque de causis  
dicturi & scripturi sint. Cæte-  
rum si fortè Viri Sani, Pii &  
Boni, quod fieri posset, illo-  
rum calumniis & captationi-  
bus à me Responderi oportere  
judicaverint: alio *Libro* singu-  
lari; cui *Arcana Ecclesiasticorum*  
destinavi, plus satis forte res-  
pon-

P R Æ F A T I O.

ponsum erit. Nam in eo, uti cæ-  
teræ, itâ & hæ calumniandi &  
captandi *Artes*, & quandò &  
quomodo eas adhibere solent,  
detegentur & explicabuntur.  
Ad Me enim quod attinet, gra-  
vissimè errabunt, si Me ita le-  
vis, inconstantis & degeneris  
esse animi existiment, ut male-  
volos ineptosquè homines vel  
minimi faciam, eorumque ca-  
lumnias & captationes perhor-  
rescam. Nam provocare & ir-  
ritare malim, ut illorum ca-  
lumniis & captationibus,  
quemadmodum furiosorum  
vano impetù, & dementium  
ineptiis, me delectem: Illi au-  
tem ipsi *Mores* suos, & *Ingenium*  
ostendant, & patefaciant, quæ  
occultari omnia illorum so-  
lum

## P R Æ F A T I O.

lum, maximeque interest, non  
mea, qui ea usu & ab illis ipsis  
cognoscere malim, quam ali-  
undè discere & excogitare. Et  
hoc tamen à me discant, quem-  
admodum Religionis publicæ  
& externæ *Veritas* non ita ho-  
mines vulgò afficere & com-  
movere solet, quàm *Opinio* ma-  
joris doctrinæ & probitatis  
Ecclesiasticorum, ita semper  
*Religioni publicæ & externæ* nihil  
magis obfuisse & nocuisse,  
quam *malos Mores & Ineptias Ec-  
clesiasticorum* patefieri & doceri.  
Qui interitus omnium Reli-  
gionum publicarum & exter-  
narum fuit. Denique hoc sci-  
ant, dicant licet & scribant, ut  
velint & possint, nullis *artibus*  
se effecturos, quo minus meæ  
sen-

P R Æ F A T I O .

sententiæ Veritas saltem à non-  
nullis Piiis , Bonis & suâ tan-  
tum Ratione duce utentibus  
*perspiciatur* , à Cordatioribus et-  
*iam tueatur* , usuque publico  
*paulatim recipiatur* ; & à me  
perficiantur, quicunque porrò  
*libri singulares* de ejusdem ge-  
neris materiâ & argumento  
*jam dudum excogitati* , & in-  
cepti brevi post tempore in  
lucem edantur. Quod illis de-  
nuncio , Piiis autem omnibus  
& Bonis & Sapientibus pro-  
mitto.

De





De Jure  
ECCLESIA-  
STICORUM,  
Liber Singularis.

T I T. I.

De Ecclesiasticis, & quod EX-  
TERNAM duntaxat Reli-  
gionem & PUBLICAM  
procurent.

**E**cclēsiastici sunt, qui  
*Externam & Publicam*  
Religionem procurant.  
Quæ verba ne quam am-  
biguitatem pariant, & quo luci-  
dius ea, quæ de Ecclesiasticis po-  
steà dicturus sum, intelligantur,  
notandum est: Religionem non  
unius generis & naturæ, sed vel  
B *Ex-*

*Externam* vel *Internam* esse; Et quidem *Externam* ab *Interna* eâ ratione distingui atquè separari, quod hæc curam alterius, quam ejus hominis, cujus ea est, non recipiat: & quod proindè Prodiū aliive, qui eorum auctoritate loquoque Religionem *Externam* curant, procurantve, illam curare aut procurare non possint; Cum *Καρδιονομίαι* non sint, ut scire & cognoscere possint, utrum quis Religioni *Externæ* convenientem *Internam* exercent: Et multo minus eâ vi & potestate in alios præditi, ut illud efficere possent. Quamobrem etiam dicendum est; Deum ipsum, qui & omnia cognoscit, & simul efficere potest, ut ita sint, quemadmodum velit, hanc solum curare posse, & propterea eam solum curare, eique soli, qualis ea sit, ab homine reddi rationem ejus posse, & debere.

*Docere* etenim & *erudire* Populum Religionis alicujus Publicæ rudem,

udem, aut ex sententiâ Prodeo-  
um non satis peritum, non est  
procurare, quemadmodum ea vox  
hoc loco à me accipitur; Cum eo-  
um Doctrinæ & eruditiones non  
missa sint, aut ita rectè vocari  
debeant frustrà enim aliquid  
iubetur, non modo cum qui  
iubet cogere Jussum nequeat, ut  
faciat id, quod jussum est, sed  
multò magis, cum etiam scire &  
agnoscere jubens nequeat, an  
iussus jussum faciat) sed *suasiones*  
iuntaxat & *consilia*; quarum quo-  
rumque *Veritas*, sicuti antè pro-  
nunciationem judicata fuit à Do-  
centibus, ita post eam ab audien-  
tibus & discipulis dijudicari o-  
portet.

Cui consequens est, omnem  
auctoritatem Docentium, & qui-  
dem in *Statu Naturali* apud Peri-  
tos, & Imperitos auditores, ni-  
hil aliud esse, quam *Opinionem ma-  
ioris scientiæ conjuncta cum probitate*:  
Quamobrem Periti eos audient,

Imperiti etiam credent. Quem-  
admodum hoc vulgò contingere  
videmus. in omnibus aliis artifi-  
cibus, qui alicujus artificii Vul-  
go magis periti existimantur.

Neque enim *Veritas* semper so-  
la Religionis eam Prodiis com-  
mendat, ut publicè eam doceri  
velint, sive ut eam publicam fa-  
ciant, sed nonnunquam etiam  
*Utilitas*, & ea quidem aliquando  
ferè sola, quæ ad Rempub. indè  
Prodeorum judicio perventura  
est. Quæ quidem res hanc ratio-  
nem habet: quod Religionem  
aliquam Populum docere *Privi-  
legii* sit privati, & quorundam,  
non autem publici & omnium  
Civium, sed quibus hoc à Prodiis  
concessum est, ut eam Religio-  
nem Prodeorum loco & auctori-  
tate, aliorum munerum sive Mi-  
nisteriorum publicorum exem-  
plo, quæ omnia *Privilegio Publico*  
administrantur, curent, hoc est  
*procurant*. Quos quidem *Procura-  
tores*,

Quemtores, ex quo hoc Privilegium & Ministerium Religionem publicam docendi à Prodiis acceperunt, Ecclesiastici à me appellantur.

Religionem enim sive Publicam, sive suam & Privatam sine Privilegio & publicâ auctoritate docere, non est procurare, sed curare: Quia eam suâ & privatâ auctoritate curarent: quæ cum nulla sit, consequens est, nihil Juris cuiquam privato competere Religionem aliquam in Republ. sive Civitate docendi. Et quidem, si suam & privatam Religionem curent, quo minus ea publicæ conveniat, eo longius à ratione illa res recedit. Nam sive ea Doctrina Religionis Religioni Docentium internæ conveniat, sive ab eâ differat, utroque modo & Prodiis & publicæ auctoritati adversari; & proindè Ecclesiasticos eâ ratione appellandos non esse, quâ Ego eam vocem accipio, plus-

B 3

quam

quam manifestum est : sed potiùs. Cives Reip. sivè Civitati noxios, malos, & hostes etiam, si sua Doctrina à Religione eorum *Internâ* differre, aut scientes prudentesque invitis Prodiis eam Religionem docere dicantur. Quæ omnia, aut si quæ ex his cuiuspiam minus explicatè scripta videantur facillima paulò post videbuntur, cum deinceps hoc agetur, ut ea explicatius scripta & tradita, & intellectu facillima censeantur.

His itaque Præmii loco præmissis, ut ambiguitatem vocis Ecclesiasticorum, de quorum Jure hunc *Singularem librum* scripturus sum, initio summoverem; nunc de ipso *Iure* eorum, cujus illud, *Originis, quale & quantum* illud, sive quæ partes ejus sint, videndum est. Illud enim, contra atque omnes vulgò, qui se Ecclesiasticos esse, vel Ecclesiasticorum numero haberi volunt, sive sentiunt sive contendunt, probandum suscepit:

scipi: *Quodcunque divini humani-  
que Iuris Ecclesiasticis tribuitur, vel  
ipsi sibi tribuunt, hoc aut falsò impiè-  
que illis tribui, aut non aliunde, quam  
à suis, hoc est, ejus Reip. sive Civi-  
tatis Prodiis, in quâ sunt constituti,  
accepisse.*

T I T. II.

De Origine & Progressu Ju-  
ris & Potestatis Prodeorum:  
Ut appareat penes eos esse  
omne Jus & Potestatem Ci-  
vitatatis sive Reip. nihilque  
Juris aut Potestatis penes  
Cives esse.

**J**US & Potestatem Prodeorum  
tantum esse in omni Civitate  
sive Rep. ut ab iis solis, quod-  
cunque Juris & Potestatis Civibus  
competat, recteque tribuatur,  
derivari oporteat: quo lucidius  
possit intelligi, & ne mea à Veri-  
tate & rectâ Ratione sententia



abhorrens vel aliena, sed convenientissima esse appareat, & à quòvis post hac credatur: Ratio rei tractandæ & demonstrandæ Veritatis postulare videtur, ut inprimis de *Origine & Progressu* tanti Juris & Potestatis Prodeorum videatur, & deinde ad alia hujus rei consequentia argumenta transeat.

Primam omnis Juris & Potestatis *Originem* in ipsis Juris naturalis principiis quærenti & indè repetenti, non aliam, quam hanc, quæ vulgò omnium ore eruditorum imperitorumque hominum circum ferri & prædicari solet, Originem comperiet; Quod omnes homines, pari conditione nascuntur, ac proindè æquales sint, & hujus rei nullam aliam rationem esse, quam quod Deus hominem homini non præfecerit, nec subjecerit alii alium: uti nec cætera animalia aliis alia præposuit; sed viribus licet inæqualibus,  
tantis

conve-  
& à  
Ratio  
randæ  
, ut  
gressu  
docto-  
d alia  
men-  
Pote-  
natu-  
indè  
anc,  
lito-  
nom  
bler,  
t o-  
one  
ales  
ara-  
ho-  
rit,  
nec  
po-  
nis,  
tis

tantis tamen creaverit, quantæ ad  
conservandum & tuendum suum  
cujusque Corpus utiles & neces-  
sariæ essent. Quibus si fortiores  
non abuterentur, ut imbecillio-  
res suo Juri & Potestati *subjiciant*,  
inuisque sui Juris & Potestatis  
maneret: & sic Æqualitas inter  
fortiorem & imbecillio-rem, &  
proindè omnium naturalis inte-  
gra & in solidum retineretur:  
quemadmodum inter absentes &  
mutuò ignorantes retineri pa-  
ram est. *Liberum* enim esse nihil  
aliud est, quam sui Juris & Pote-  
statis, nulliusque alterius subje-  
ctum Juri & Potestati esse. Et *Æ-*  
*qualem* esse, naturale illud in se  
Jus & Potestatem habere & nullâ  
ex parte penes alium esse, veluti  
eum, quocum quis comparatur,  
& cui æqualis esse dicitur: Par e-  
nim quisque in se Jus & Potesta-  
tem habet.

Prætèr vim & majorem Pote-  
statem, quâ invitus homo homini

B 5

sub-

subjicitur, alio quoque modo illud naturale Jus & Potestas amitti possunt: veluti *Conventione*. Nam nullâ ratione cogimur eo semper Jure & Potestate uti, aut prohibemur apud nos ita constituere, quod eo eâ ve non utemur. Voluntatis enim & facultatis hoc Jus & Potestas sunt, non necessitatis quâ cogimur, aut Juris, quo obligamur: sicuti nec cætera Jura, quocunque modo, sive Naturali sive Civili nobis acquirantur. Et ideo conveniri potest, ne eo quis Naturali in se Jure & Potestatem utatur, cum alius suum in ipsum exercere Jus & Potestatem velit. Et hoc est non sui naturalis Juris & Potestatis amplius, sed alterius Juris & Potestatis esse.

Si autem multi homines sui Juris & Potestatis tædiò, desiderio autem & spe status & Conditionis Naturali melioris & commodioris, quod in Statu naturali multa occurrant mala & incommoda, quæ

quæ superari & evitari posse status  
nutatione credunt, ita, unà con-  
veniant, ut omne suum quisque  
in se Naturale Jus & Potestatem  
vel in *Omnes* pro indiviso simul,  
vel in *Aliquos* ex hac multitudine,  
vel etiam in *Unum* ex his omnibus,  
qui convenerunt, transferat; Et postquam  
ita de transferendo suo cuiusque Jure &  
Potestate conventum est, ab unoquoque  
ex iis suum Jus & Potestas transferantur:  
quod fieri intelligendum est, simul ac  
promiserit unusquisque eorum suo se  
Jure & Potestate neque in Multitudinem,  
neque in Aliquos, neque in Unum, quibus  
aut cui se transferre suum Jus & Potestatem  
unus quisque declaravit, usurum, sed ut  
vel ea Multitudo, vel Aliqui, vel Unus  
in singulos & suo & omnium Iure & Potestate  
utatur & exercent: ex Naturali Statu  
*Civilis* factus esse dicendus est.

Quod

Quod autem duplicem *Con-*  
*ventionem* feci, unam, quâ de  
 translatione Iuris & Potestatis  
 multi homines paciscantur, & a-  
 liam, quâ suum Ius & Potesta-  
 tem transferant: non ità acci-  
 piendum est, quasi Status Natu-  
 ralis multorum in Civilem muta-  
 tio alio modo fieri, quam duplici  
 Conventione non possit: sed  
 quia duplex Conventio solum sit  
 multorum Jus & Potestatem & in  
 Multitudinem, & in Aliquos, &  
 in Unum communis modus trans-  
 ferendi. Nam in *Unum* multi eo-  
 dem & diverso tempore transfer-  
 re suum Ius & Potestatem unâ  
 Conventione, hoc est, unus quis-  
 que pro se & extrâ præcedentem  
 aliorum societatem possunt; sed  
 non ita simul vel in Omnes; vel in  
 Aliquos sibi æquales possunt.  
 Prior enim quædam Conventio  
 esse necessaria videtur, quâ qui-  
 dem non ipsi, qui translaturi sunt,  
 sed etiam illi, in quos multorum  
 Ius

Ius & Potestas transferentur, convenient, ut translatum Ius & Potestatem simul accipiant: Quam secunda Conventio de transferendo multorum Iure, & Potestate sive ipsa translatio subsequeretur: aut si prior illa non præcesserit conventio, (quoniam nullâ ratione prohibemur rem aliquam communem citrà societatem nancisci) translationem ea Iuris & Potestatis subsequatur. Nam Civitatem sive Rempubl. citrà conventionem societatis vel tacitam curare & administrare non video quâ ratione plures possent sine divisione; quæ etiam sine Conventione vel tacitâ fieri non potest: Et hoc modo in totidem Civitates sive Respubl. quot divisiones sint factæ, una Civitas sive Respublica mutaretur atquè ita perimeretur: Ut quoquo modo res accipiatur, duplicem & aliquandò triplicem, Conventionem in omni translatione Iuris & Pote-

Potestatis, quâ status Civilis primò constituitur, omninò necessariam esse dicendum sit. Nam quominus multi statui constituto sive compositæ Civitati suum ei concedendo Ius & Potestatem postea accedant, ratio nulla apparet. Ut tamen nihilominus duplici, quamvis tacitâ conventionione, ut puta Accedentis & in Civitatem recipientium Prodeorum opus esse dicatur; Quemadmodum postea clarius apparebit.

Triplicem quoque translationem Iuris & Potestatis feci: ut eodem opere & negotio, quo status Civilis Originem explicatam, *Triplicem quoque statum Civilem* (totidem enim esse communis omnium Politicorum sententia est, & natura omnis Status confirmat) indicarem. Et ut inde haud difficultè omnes intelligerent, qui ineptâ opinione ducti, non idem & æquale omnis status in Cives Ius & Potestatem esse  
 exi-

existiment, nullum discrimen Iuris & Potestatis Prodeorum in unoquoque horum statuum constituendum esse.

Nunc quantum illud Ius & Potestas sint in statu Civili sive Civitate, super est, ut tractetur. Quam quidem rem si quis ex me quæret, eum non aliâ ratione melius, quam hac mutuâ interrogatione doceri posse arbitror. Quantum, quæso, Iuris & Potestatis unicuique homini Deus Opt. Max. donavit, ut se ipsum conservando & tuendo administraret, & administrare posset? Et aliter respondere neminem posse palam est, quam tantum Juris & Potestatis omnibus hominibus & singulis generalitèr donasse, quantum ipsi videbatur necessarium ad se quemque conservando tuendoque administrandum: Et tantum igitur Iuris & Potestatis naturalis omnium & singulorum ab omnibus & singulis vel in Multitudinem,



nem, vel Aliquos, vel Unum  
 transiisse, dicam, quantum Iuris  
 Potestatisque est eritque necessa-  
 rium ad hoc *Civile Corpus* conser-  
 vando tuendoque à Prodiis ad-  
 ministrandum. Conservari enim  
 & tueri omnes & singulos simul  
 ejusque conservationis & tuitio-  
 nis communis desiderio & spe  
 tanquam in unum *Corpus* coie-  
 runt & Naturalem statum cum  
 Civili permutando unum *Civile*  
*Corpus* effecti sunt. Et propterea,  
 nequid voluntati coeuntium &  
 convenientium aliquid dissenta-  
 nei fingatur, intelligendum &  
 dicendum est, tantum Iuris &  
 Potestatis naturalis omnes & sin-  
 gulos transtulisse, quantum ad id,  
 quamobrem non retinere, sed  
 transferre suum Jus & Potestatem  
 naturalem voluerunt, optima ra-  
 tione, modoque efficiendum, est  
 eritque necessarium.

Quantum autem Iuris & Pote-  
 statis transferri oportuerit, & pro-  
 inde

inde translatum esse dicendum  
sit, ut hoc Civile Corpus conser-  
vando tuendoque optima ratione  
modoque administrari possit, id  
non ex iudicio transferentium,  
sed eorum ejusve, quibus, cuive  
suum Jus & Potestatem transtule-  
runt, existimadum est. Nam &  
hoc, transferendo voluerunt, ut  
suo non singulorum arbitrio, hoc  
Civile Corpus, & in eo singula  
Corpora naturalia Civium, sed  
arbitrio Prodei, Prodeorumve,  
cui quibusve omne suum Ius &  
Potestatem transtulerunt, admi-  
nistrarentur. Nam si suum quis-  
que Corpus etiam post Status  
Civilis constitutionem, & qui-  
dem suo arbitrio administraret,  
nulla status Naturalis mutatio fa-  
cta esset; qui in eo vel solo confi-  
stit, ut se ipsum quisque; prout  
sibi visum fuerit, administret,  
nec ab alio, sed à se solo admini-  
stretur: Deinde & illud voluntati  
communi convenientium, &

C trans-

transferentium ad versatur, ut  
singulorum iudicio hoc Civile  
Corpus administraretur. Nam in  
singulos singuli suum Ius &  
Potestatem non transtulerunt  
(qui transferendi modus & sanæ  
Rationi & rei ipsius naturæ re-  
pugnat) sed singuli suum natura-  
le Ius & Potestatem vel in Omnes  
simul, vel Aliquos, vel in Unum,  
secundum ea, quæ superius jam  
aliquoties notavi, transtulerunt.  
Et ideò, sicuti singuli in status  
mutatione naturalis, & in Civili  
Statu constituendo non voluisse  
amplius dicendi sunt suum Ius &  
Potestatem vel in se vel in alios  
pro suo arbitrio exercere, post-  
quam status ille constitutus fuerit,  
ita post constitutionem amplius  
non velle (quia nulla voluntatis  
mutatio nisi novâ status mutatio-  
ne & in naturalem conversione  
fieri potest) & proinde non velle  
aut posse quicquam dici oportere  
concedendum est, quod non mo-  
do

do ad conservationem vel tuitio-  
nem hujus Civilis Corporis non  
pertineret, sed etiam ei adversari  
& obesse judicetur. Tantum enim  
Iuris & Potestatis unus quisque  
credendus, & ideò dicendus est  
transfuisse, quantum ad ejus  
communis Corporis commodum  
& utilitatem desideretur, & tan-  
tum modo Iuris & Potestatis na-  
turalis, & non amplius retinuisse,  
quantum ad utilitatem & com-  
modum sivè ad conservationem  
& tuitionem istius Civilis Corpo-  
ris non necessarium & inutile ju-  
dicetur; aut si quod Ius & Pote-  
stas singulorum sui naturâ trans-  
lationem non patiantur, quod  
quæque delusoriam translationem  
facerent. Ut hoc postremum vel  
uno exemplo *Religionis Internæ*,  
cujus suprâ mentionem feci, ne  
plura afferam, intelligi facillimè  
potest.

Illud enim sum moperè notan-  
dum est: in statu Naturali, in  
C 2 quo

quo omnes a naturâ, id est, à Deo constituti sumus, *noluntatem & impotentiam* naturali Jure & Potestate utendi, pro, eâdem re accipi oportere, si illius Iuris & Potestatis vim & effectum intueamur; Et hac ratione dicendum etiam est, quia nolle credendi sunt suo Iure & Potestate uti, eo eâque propterea uti non posse, perinde ac si utriusque expertes essent. *Judicium* quoque & *Arbitrium* naturali Iure & Potestate utendi dicendi quoque sunt in status Naturalis in Civilem commutatione non retinuisse, sed quasi ea quoque alterius fieri possent, transtulisse. Quæ translatio in eo consistit, quod noluerint suo amplius Judio & Arbitrio, sed aliorum judio arbitrioque vitæ rationem instituere, quos sibi præposuerunt. Re verâ enim ejusmodi facultates naturales transferri non possunt & aliis acquiri, sed desinere tantum possunt

Sunt maxime cum interitù ejus,  
cui decedunt, ut tamen aliis non  
acquirantur. Eâ enim naturâ &  
conditione has & cæteras *Anime*  
*Facultates* Deus Opt. Max. esse vo-  
luit, ut penes unum quemque iis  
naturâ præditum instructum-  
que permanerent, non autem  
transferri in alios aut deponi pos-  
sent. Et cum etiam noluerit salu-  
tem & commodum hominum,  
ipsis hominibus intereâ conquie-  
scentibus, immediatè (ut lo-  
quuntur) curare, præter Ius, quo  
unicuique liceat, & Potestatem,  
quâ unusquisque posset se ipsum  
tueri, juvare, & propriam salutem  
curare, *Ratione* insuper homines  
donavit, cujus usu in singulis re-  
bus gerendis adhibito Ius illud &  
Potestatem moderarentur. Per-  
quam *Rationem* quia hominibus  
immediatè imperet & regat, eam-  
que nihilominus hominum pro-  
priam fecerit, & ut ea talis sit ani-  
mæ facultas, quæ ab Anima vel

cogitatione separari non possit, & in quâ *Anima substantia* veluti consistat, ipsave sit *Anima*, & proindè potissima pars hominis; non ineptè, sed huic ipsi *Rationi* convenientè dici potest, ipsos homines *Deos* quodammodo sibi factos esse, sibi que ipsis à Deo Opt. Max. præpositos, cum hæc *Ratio*, & *Deus* per eam ipsis imperet, & regat: Ut etiam *Dei* Opt. Max. vices gerere rectè dici possint, quicumque in statu *Naturali* per omnia & in omnibus, & in statu *Civili*, quatenus *Jure Civitatis* liceat, aut *Animæ facultates Prodeorum Juri & Potestati* non sint suppositæ, aut sui naturâ supponi non possint, solam *Rationem ducem & magistram* sequantur. Quamobrem, si illud naturale *Jus & Potestatem* eo modo, quo transferri possunt, in alios aliumve transtulerint, (quod fecisse intelligendi sunt simul ac se alienæ *Rationi & arbitrio* com-

mise-

miserint tum, quatenus dicantur  
dicive possint transtulisse, confe-  
stim etiam desierunt, sibi Dii hoc  
est, sibi ipsis Dei Opt. Max. *Vice*  
& loco esse, & illi *Dii Deus* ve facti  
sunt, sive Dei Opt. Max. *vices* ge-  
runt *locumque* obtinent, quibus  
vel cui omnis Juris & Potestatis  
translatio facta est; Quos quemve  
propterea jam ab initio hujus Li-  
bri singularis *Prodeos Prodeumve*  
appellare constitui.

Cum igitur tantum sit Jus &  
Potestas Prodeorum, quantum  
eos accepisse à singulis homini-  
bus docui: facili opere & negotio  
ut erroneæ redargui poterunt O-  
piniones variæ Multorum: di-  
stinguentium, non ita omne o-  
mninò dici debere translatum Jus  
& Potestatem omnium & singu-  
lorum esse, sed potius inspicere *Pa-*  
*ctiones & Conditiones* transferen-  
tium oportere, quibus inter posi-  
tis illud illamve transtulerint.  
Quorum Opiniones mihi non

C 4

modo



modo omni prorsus ratione de-  
 stitutæ videntur, si fortè etiam  
 aliis Conditionibus & Pactioni-  
 bus interpositis, præter hanc u-  
 nam translatio Juris & Potestatis  
 facta dicatur; *Ut sola communis O-*  
*mnium salus, & publica Utilitas*  
*queratur*; Verum etiam à ratio-  
 ne sanâ abhorrentes, & prorsus  
 alienæ. Nam præter hanc unam  
 & aliæ Conditiones Pactionesque  
 interponi non video quâ ratione  
 modoque possint. Si quidem sin-  
 guli sibi quid præcipui pacisci in  
 transferendo non possint, quo  
 aliis anteponantur aut præponan-  
 tur, nisi & eâdem Pactione à ta-  
 citâ illâ vel manifestâ societate  
 recedant, quâ de singulorum na-  
 turali Jure & Potestate simul &  
 æqualiter transferendo convene-  
 runt, aut dicendi sunt convenisse.  
 Cujusmodi societas omnem sta-  
 tus Civilis constitutionem ante-  
 cedere sempèr dicenda est, nisi  
 aliter inita manifestò probetur.  
 Si

Si tamen contingat, ut quidam  
ut omnes & singuli variis Con-  
ditionibus & Pactionibus suam  
Ius & Potestatem transtulerint,  
semper erunt illæ & à Prodiis fo-  
, & ita quidem interpretandæ,  
ipsi eas tunc tantum, nec aliter  
equi debeant, quam si *ex animi*  
*sententiâ* arbitrentur, *communi*  
*omnium Saluti & publicæ Utilitati*  
convenire, & nullo modo aut ratione  
diversari. Quod quamvis durum  
fortè videatur, certæ tamèn & ex-  
peditæ rationis est. Quia eâ men-  
te omnes tamen & singuli, & pro-  
pterea omnes simul suum Ius &  
Potestatem in Prodeos transtu-  
erunt, ut non suo amplius judi-  
cio & arbitrio vitæ rationem in-  
stituerent, sed iudicio & arbitrio  
Prodeorum in omnibus & per  
omnia starent & obsequerentur:  
quibus solis se singulos, & omnes  
simul salutis & utilitatis publicæ  
curam commiserunt. Ut hanc ta-  
men mentem in paciscendo, quid-

C 5

vis

vis licet pacti sint, credendi  
dicendi sint habuisse. Ne quid p  
eas Conditiones & Pactiones contr  
rii eveniat & committatur, quod e  
communi omnium saluti & public  
Utilitati obesset, aut quo status C  
vilis in Naturalem quoquo mo  
conversus videri posset: Quo i  
statu sui solum commodi privati  
& privatae item utilitatis ratio ha  
betur. Quamobrem eiusmodi Pa  
ctiones & Conditiones pro erroribu  
paciscentium habendae sunt, quod  
cum ipsi singuli ob transtatum in  
Prodeos Jus & Potestatem denuo  
paciscendo corrigere & emenda  
re amplius non possint aut de  
beant, & tamen Civitatis sive  
Reip. inter sit eas corrigi & emen  
dari a solis Prodiis corrigi & e  
mendari possunt atque debent.

Atque ita puto me ostendisse  
& probasse, quod sit singulorum  
hominum in se Jus & Potestas  
Naturalis; Quomodo etiam &  
quatenus transferantur in Civilis  
status

status constitutione. Sed quia vector, ne ea quæ de status Civilis constitutione hujusmodi hæctenus disputavi, variis nominibus aufasque ob varias multi fortè alumniabuntur. Propterea à maxime; Quod eo modo nulli ferè Status Constituti esse reperiantur, & quod omnium ferè statuum Origines primæ ignorentur, ut dicertò non possint ita, & eo Jure & Potestate constituti esse: Nonnil antè dicendum erit, quam hoc argumentum à me deferatur, ut etiam hoc a me discant, quocunque modò Status Civilis constituatur, aut olim constitutus fuerit, & generalitèr, in omni Statu Civili, qualis qualis ille sit, penes quos summum sit Jus & Potestas illud Jus & Potestatem in omnes & singulos Cives semper tantum esse, quantum sempèr transferri, sempèrque translatum esse dici oportere suprà demonstraverim. Nam hoc utique omni dubio procul

cul est, suam omnem statum sive Civitatem originem habuisse, & aliquando aut omninò non fuisse, aut talem non fuisse, qualis nunc est. Quamvis igitur primæ illæ omnium statuum Origines fortè ignorentur, quando ex statu Naturali olim constituti sunt (quod tamèn aliquandò non aliter factum esse ipsà ratione magistrà docemur, licet omni prorsus Vetus-tatis testimonio de Statuum singulorum primâ Origine & Constitutione destitueremur) nihilominus tamen dicendum est. Singulos status sive Civitates ejus esse naturæ & conditionis, & Prodeos in iis tali tantoque Jure & Potestate præditos, ac si ætates eorum nobis cognitæ essent. Quemadmodum animadvertere licet in omni statu sive Civitate Prodeos tantum in omnes & singulos Cives Jus & Potestatem exercere, quantum eos ab omnibus & singulis nancisci nactosque esse do-

locuerim. Ut propterea nihil rationis esse existimem, quare Juris & Potestatis minor vis eorum Prodeorum esse diceretur, quibus ita & quo tempore translationem Juris & Potestatis factam esse sciamus, quam de quibus ignoremus. Quoniam si eo modo argumentari liceat ad Prodeorum in singulis statibus sive Civitatibus Jus & Potestatem infirmandum, illisque totum vel ex parte adimendum, multo magis dicere liceret, status singulos sive Civitates jam amplius status sive Civitates non esse, & proinde neque Prodeos, neque Cives esse, qui pro talibus nunc tamen habentur. Nam quod Jus & Potestatem omnes & singuli non videntur manifestè transtulisse, nec Prodiu acquisivisse viderentur, & proinde omne Jus & Potestatem omnium & singulorum vel partem aliquam istius Juris & Potestatis penes omnes & singulos mansisse. Adeoque

que Usu & eo quidem tanquam precario penes Prodeos tantum esse, qui patientiâ singulorum & omnium, nulloque Jure utrumque exercent. Dicam amplius, post exiguum admodum tempus omnes status sive Civitates post primam Originem & Constitutionem inter nos superfuisse, ut pote donec illi etiam omnes & singuli superessent, qui suum Jus & Potestatem transtulerunt, quique eâ translatione & per eam Prodigii facti sunt: sed paulatim esse desuisse; Quando quidem nec *Advena* nec *Aborigines*, qui non multo post tempore soli superfuerunt, suum Jus & Potestatem transtulerunt, nec proindè primi illi Prodigii illud illam que acquisierunt. Et qui post eos, Prodeos egerunt, nullâ translatione Juris & Potestatis (sinè quâ tamen Prodigii nulli fieri possunt) Prodigii facti sunt. Verum longè aliter hanc rem se habere palam est.

est. Nam qui statum Civilem sive  
Civitatem constituerunt & Pro-  
deos sibi proposuerunt, non eâ  
nente animoque id fecerunt, ut  
singulorum interitu Civitas quo-  
que statusque Civilis interiret:  
Quod eodem momento, quo con-  
stituitur, ob vitæ humanæ incer-  
tum fieri posset, sed longa & æ-  
terna commoda sibi in statu Civi-  
li sive Civitate constituendo ob-  
oculos posuerunt, quæque ad  
suos liberos Nepotes, & qui ab-  
his nascerentur pervenirent. Cum  
per hos solos superesse possint,  
cum superesse desierint: Ut alia  
infinite commoda diuturni & æ-  
terni status sive Civitatis præter-  
mittam. Nec aliud sibi pretium  
translati Juris & Potestatis pro-  
miserunt, quam quod tam lon-  
gitudine temporis & diuturnita-  
te, quam commodorum magni-  
tudine & multitudine ea transla-  
tio compensaretur. Quod etiam  
communia & publica omnium sta-  
tuum



tuum sive Civitatum studia & ne-  
 gotia, & omnes Iuris Potestatis-  
 que Prodeorum partes, quæ o-  
 mnia certissima sunt mentis ani-  
 mique constituentium in omni  
 statu sive Civitate indicia, de-  
 monstrant. Dicendum etiam est,  
 neque hanc fuisse mentem ani-  
 mumque constituentium, ut qui  
 peregrè post advenirent, omnium  
 illorum commodorum, quæ Iu-  
 ris & Potestatis singulorum pre-  
 tium sunt, participes essent, &  
 suum tamèn Ius & Potestatem re-  
 tinerent, sed eâ mente & condi-  
 tione *Advenas* in civitatem reci-  
 pi, ut idem etiam summum Jus &  
 Potestatem in se exerceri patian-  
 tur, & sic æquali (si non deterio-  
 ri) conditione, non autem meliori  
 se essent qui statum Civilem pri-  
 mi constituerunt: quo pacto etiam  
 horum Jus & Potestas transferun-  
 tur. Quod multo magis dicendum  
 est de *Liberis* eorum, qui quòd in  
 potestate Parentũ sunt, in eorum  
 etiam

etiam sunt potestate, quibus Pa-  
rentes suppositi sunt. Dicendum  
enim est, in omni statu sive Ci-  
vitate si non manifesta sit, taci-  
tam tamen, quæ usu publico satis  
est in omni statu sive Civitate ma-  
nifestam, legem esse. *Nequis ad-  
veniat, incolat, publicisque commo-  
dis utatur, qui suum naturale Ius &  
Potestatem in Prodeos transferre,  
proque translato translataque habere,  
haberique nolit. Et qui advenerit  
incoluerit, publicisque commodis u-  
sus fuerit, ut Ius & Potestas ejus  
his rebus transferantur, & is ipse  
illud illamque, & alii Cives pro  
translato translataque habeant. Et si  
quis pro translato translataque habere  
haberique nolit, ut hostis, non Civis  
sit. Si quis igitur sciens prudens-  
que adveniat, incolat, publicis-  
que commodis utatur nisi eâ men-  
te animoque hoc eum fecisse di-  
catur, quasi suum Jus & Potesta-  
tem pro translato translataque  
habentis haberique ab aliis volen-  
tis,*

D

tis,

tis, negari non potest, cum pro Cive se haberi nolit, & tamèn publica commoda, quæ status Civilis sunt propria, sibi capiat, aliisque, quibus solis debentur, præcipiat, pro hoste habendum esse. Quidquid enim præcepit, præripuit, & quidquid usus est, quod alii uti potuissent & voluissent, injurià alios uti videri prohibuisse. Ex quibus factis hostes judicari rectè solent. Quamobrem qui legi illi omnium Statuum sive Civitatum communi obsequi velint hi tacitâ conventionem non minus dicendi sunt suum Jus & Potestatem postea transtulisse, atque illi, qui aliquando ipsum statum Civilem sive Civitatem constituendo suum Jus & Potestatem transtulerunt. Nam cum manifesta translatio sive conventio verbis manifestata, nihil sit aliud, quam Voluntatis transferendi indicium magis conspicuum, & voluntate tamèn,  
non

non verbis, nisi voluntatem significantibus, Jus & Potestas transferantur, non minus Jus & Potestatem transferri dicendum est, quod quæque non verbis, sed factis transferri significantur.

Atque hoc modo nos omnes, qui in statu Civili sive Civitate incolimus, publicisque status nostri sive Civitatis commodis utimur, Cives facti sumus, nostrumque Jus & Potestatem transtulisse intelligimur, & verè etiam transtulimus. Ut illam objectionem de Origine Statuum sive Civitatum, aliasque, de quibus suprâ mentionem habui, quæque prætereà plures fingi possent, si malâ mente & dolo malo adversus Civitatem nostram fingantur, Crimen quodammodo Majestatis Cogitando committatur: Quoniam ejusmodi objectiones confingendo hostilem animum, & adversos salutis publicæ & utilitati mores fingamus, & efficiamus:

D 2                      quod

quod boni Civis animus & officium fieri non patiuntur. Apparet igitur ex his, quæ breviter hoc Titulo disputavi: Quemadmodum status Civiles sive Civitates generaliter constituentur, & perpetuentur: Æternique esse possint atque fiant. Quæ quidem in pluribus casibus & speciebus, præcipuè ubi Prodiis morte intereant, & Civitates singulive status vi armatâ tam internâ quam externâ, quasi dissolvantur, & rursus constituentur, tractare & disputare potuissem, quid de huiusmodi rebus singulis & aliis consimilibus sentiendum sit, nisi huius *Libri* Inscriptio, quæ aliud argumentam magis desiderat, me prohibuisset. Quamobrem satis erit hoc loco id tantum admonuisse, in omni mutatione, quæ statu Civili vel Civitate constituto vel constitutâ eveniat, sive ea ipsi statui vel Civitati sive solis Prodiis contingat, si status Civilis sive Civitas

tas vel mansisse nec dissolutus, vel  
dissoluta, vel post dissolutionem,  
licet momentaneam, rursus con-  
stitutus vel constituta esse dica-  
tur, cum verus status sive Civi-  
tas nihilo magis, si non vetus, sal-  
tem novus, sit dicendus, valere  
*Legem illam publicam*, quam supra  
posui, & ejus vi omnes status sive  
Civitates perpetuari & æternos  
fieri: Quod exemplo Societatis  
privatæ elegantèr declarari po-  
test. Nam sicuti nihilo minus fo-  
cii sunt, qui jam constitutæ socie-  
tati consentiunt, quam qui eam  
primi constituerunt; Neque mi-  
nus commodi ex eâ pro ratione li-  
cet personarum, temporis, por-  
tionisque percipiunt, ita nihilo-  
minus legibus societati datis tene-  
rentur, qui ab initio multitudini  
constituentium, quam qui post  
constitutæ societati accesserunt.  
Ut hoc tantum in omni statu sive  
Civitate inspiciendum sit, an pars  
sive Civis ejus esse quis velit, &

quinam in eo Jus & Potestatem  
supremum in privatos sive Cives  
exerceant. Quos omnimodo re-  
vereri, eorumque jussis, non no-  
stro arbitrio, vitam & negotia o-  
mnia instituere, & gerere debe-  
mus.

## T I T. III.

Æqualitatem omnium homi-  
num Naturalem status Civi-  
lis constitutione in *Privatis*  
non mutari. Et propterea  
omnem Inæqualitatem, quæ  
singulorum hominum est in  
statu Civili sive Civitate, à  
Prodiis descendere & deri-  
vari.

**I**N statu Naturali eam esse con-  
ditionem omnium hominum,  
ut æquales sint, nec quisquam in  
alium, sed in se solum omne Jus  
& Potestatem habeat, & exer-  
ceat:

ceat: nisi fortè *Vi* naturale in se  
Jus & Potestatem amiserit, vel  
*Conventione* transtulerit, superiori  
Titulo ex positum est. Ostendi  
etiam, quanta mutatio illius Ju-  
ris & Potestatis fiat, si status Na-  
turalis in Civilem commutetur.  
Nimirum, quod omne Jus & Po-  
testas, quod quamque à naturâ  
singuli habent in se ipsos, tran-  
seant in Prodeos, nec maneant  
amplius, singulorum. Ut super-  
flui laboris esset Deinceps ex po-  
nere, quod Privatis Prodiu inæ-  
quales eâ re facti sint; Et deindè,  
quanta Privatos intèr & Prodeos  
Inæqualitas inter cedat, cum ex  
Inæqualitate Juris & Potestatis,  
& utriusque Ûsu & Exercitio ea  
satis cognoscatur, & innotescat.  
Verum illud videndum est, an  
Æqualitas omnium naturalis,  
postquam status Naturalis in Ci-  
vilem commutatus est, tantam  
rerum omnium mutationem at-  
tulerit, ut etiam ex æqualibus in-

D 4 æqua-



æquales inter se Cives facti sint :  
Et si quidem Æqualitatis in In-  
æqualitatem intèr Cives commu-  
tatio Status mutatione Naturalis  
facta dicatur , eam duobus tempo-  
ribus factam esse oportet , eove  
quod Conventionem tacitam vel  
manifestam de Statu Civili con-  
stituendo ; Vel etiam eo , quod  
ipsam status Civilis constitutio-  
nem antecessit. Nam tertio tem-  
pore , sive eo , quod status muta-  
tionem & Civilis status constitu-  
tionem secutum est , ex translatio-  
ne ejus & Juris Potestatis Naturalis  
Inæqualitas introduci non potuit,  
quod quamque omnes & singuli  
jam antè in Prodeos transtuler-  
ant , nec erat amplius singulo-  
rum , ut id eamque transferre pos-  
sent. Primo autem illo vel secun-  
do tempore , quod vel Conven-  
tionem de statu Naturali in Civi-  
lem commutando , vel ejusdem in  
Civilem commutationem ante-  
cessit , Inæqualitas ejusmodi inter  
eos

III. *ffine:*  
*in In-*  
*ommu-*  
*curalis*  
*tempo-*  
*rove*  
*ram vel*  
*li con-*  
*quod*  
*itatio-*  
*no tem-*  
*omura-*  
*mittu-*  
*latio-*  
*curalis*  
*posuit,*  
*inguli*  
*in Ple-*  
*ingulo-*  
*re pol-*  
*fecun-*  
*conven-*  
*Civi-*  
*dem in*  
*ante-*  
*li inter-*  
*cos*

eos introducta dici non potest, qui unà cum cæteris suum Jus & Potestatem in Prodeos transferrent. Nam ex quo suum Ius & Potestatem in alios transtulissent, id eamque postea in Prodeos transferre non potuissent, & propterea non transtulerunt: Cum præterea, si quid Iuris & Potestatis illa pristinâ translatione Uni Pluribusve accessisset ex quo hi unà cum cæteris omne suum Ius & Potestatem in Prodeos transtulerunt, & hoc accessorium Ius & Potestas in Prodeos transferint: Quemadmodum hoc latè comprobari posset, nisi alibi latius tractaretur. Adeò ut hi, qui in Privatos antè suum Ius & Potestatem fortè transtulerint, cæteris non sint connumerandi, de quorum Inæqualitate, quæ ex communi Status Naturalis mutatione orta esset, hoc in loco quæstionem institui. Et vel propterea multò minus, cum his tantum inæquales

eâ anteriori translatione effecti  
essent, in quos ea Iuris & Pote-  
statis translatio facta est; Cæte-  
ris autem æquales manerent, qui-  
buscum ratione Inæqualitatis  
comparandi non essent: Quando  
quidem in hos nihil Iuris & Po-  
testatis acquisierint. Adeò, ut om-  
ni modo dicendum sit, Æqua-  
litatem Naturalem inter Cives,  
Naturalis status in Civilem com-  
mutatione non mutari, sed inte-  
gram & intactam manere. Nihil  
enim refert, quod quidquid erat  
Iuris & Potestatis in statu Natu-  
rali penes singulos, illud omne  
jam translatum sit in Prodeos, ut  
vel eâ ratione sibi ipsis singuli dis-  
similes & inæquales sint effecti:  
nisi etiam dici possit, uti sibi ipsis  
ita & aliis inæquales factos esse:  
quod tamen absque omni ratione  
diceretur: Cum hi alii, quibus-  
cum Inæqualitatis ratione com-  
pararentur, in eos nihil Iuris &  
Potestatis, Civilis Status consti-  
tutione

tutione acquisierint. Illud enim totidem verbis longiorique oratione hætenus demonstrare volui, à Civibus in Cives ipsâ Naturalis status mutatione & in Civilem commutatione nihil Juris & Potestatis transiisse, sed quantum Juris & Potestatis singulis decesserit, tantum solis Prodiis accessisse; Et quibus proindè ob eam translationem Juris & Potestatis inæquales constituti sunt, & nequaquam aliis Civibus, quibus nihil ejus translati Juris & Potestatis accessit, aut acquisitum est.

Cum igitur demonstratum sit Æqualitatem omnium hominum Naturalem status Civilis constitutione in Privatis non mutari, sed æquales, ut in constituendo statu Civili, ita post constitutionem ejus mansisse; Et nihilominus in omni Statu Civili sive Civitate varia genera Inæqualitatis, multisque modis Inæquales inter se Cives reperiantur, operæ pretium

tium erit, ut de causis ejusmodi tamque variæ Inæqualitatis nonnulla admoneam, quæ universum hujus Operis argumentum egregiè illustrabunt.

Imprimis itaque notandum est: Nullam omninò Inæqualitatem, qualiscunque ea sit, a Privatis sive à Civibus procedere, aut Jure privato acquiri posse; Cui consequens est, omnem omninò Inæqualitatem à Prodiis ad Privatos & Cives pervenire, & Jure publico pertinere: aut Inæqualitatem, cum aliunde procedere non possit, nullam omninò reperiri. Quæ res vel ob id minus difficultatis habet, probatuque facilius est, cum usu quotidiano omnium Statuum sive Civitatum confirmetur. Sed non perinde modi, quibus tam variæ Inæqualitates à Prodiis proveniant, & ad Privatos & Cives pertineant, vulgò sunt cogniti: Quamobrem nonnihil de his breviter exponã.  
Quan-

Quanta sit Inæqualitas Prodeorum & Civium, in quos illi omne Jus & Potestatem exercent, jam ante ostendi. Et porrò etiam ostendi, mutationem Juris & Potestatis *Privatis* quidem & Civibus accidisse, non tamen adjeci, & *Prodiis* aliquam accidisse. Nam hi integrum suum Jus & Potestatem non modo retinuerunt, ut ex his, quæ hæctenus disputavi, & ex ipsius rei naturâ constat, cum nihil Juris & Potestatis translatione amiserint, sed Naturali insuper ipsorum Juri & Potestati tanta Juris & Potestatis accessio facta est; quantum Juris & Potestatis omnium & singulorum ab omnibus & singulis translatione acceperint. Et huic consequens est, multo propterea minus aliquam qualemcunque horum facultatibus Naturalibus mutationem accidisse cum eæ transferri aut acquiri non possint: Quemadmodum secundo Tit. cum de  
na-

naturâ Juris & Potestatis naturalis, quod quæque in Prodeos transferuntur, & translatione iisdem acquirantur, tractarem, latius explicavi: Et propterea non erit, ut opinor, necessarium, sed planè supervacuum, ut Prodeos, perinde ac Privatos, & *velle & nolle*, voluntatemque & noluntatem verbis aliisve signis demonstrare posse ostendam. Et otiosum est docere, quod tam voluntas quam noluntas, quæ verbis demonstratur, manifesta, & quæ aliis signis manifestatur, tacita vocari debeat: veluti, si quis sciens patiatur quid fieri, quod ipso nolente vel non fieri posset, vel profecto haberetur, & tamen profecto habeat: aut prohibeat quid fieri, quod ipso non prohibente fieret. Quibus casibus ea voluntas vel noluntas tacita vocaretur, cum verbis scriptove manifesta non sit.

Si cui igitur Privato sive Civi  
par-

partem aliquam Civium, aliudve  
negotium publicum procurare  
Prodiis vel mandent, vel per se  
procurare scientes patiantur, &  
procurantem tamen non prohi-  
beant, eorum manifestâ vel ta-  
citâ voluntate eatenus cæteris Ci-  
vibus inæqualis est effectus, qua-  
tenus aliquid Juris & Potestatis  
Prodeorum in alios, aut in rem ad  
e non pertinentem exerceat. Et  
hic quidem primus & nobilior  
modus est, quo quis *Ministerio*  
*publico* inæqualis efficitur.

Alia species Inæqualitatis ex  
*inæquali quantitate bonorum*, quæ  
quis præ aliis Civibus possidet,  
descendit. Neque sine ratione  
quis ab ea inæqualis cæteris esse,  
& dicitur & habetur. Nam quam-  
vis omnes modi bona acquirendi  
ob publicæ utilitatis rationem à  
Prodiis constituti, & omnibus  
proinde communes facti sint. Et  
propterea is ipse, qui illis usus sit,  
per eos bona, vel majorem quan-  
tita-



titatem bonorum, quam quæ  
quantamve alii acquisiverunt,  
fortè acquiserit, non est superior  
aliis Prodeorum voluntate con-  
stitutus, aut præpositus, & tamen  
inæqualis illis est, qui aut nihil  
bonorum, aut inæqualem & mi-  
norem quantitatem acquisive-  
runt: Est enim cur eum pauperio-  
res metuant, cum ejus naturale  
Jus & Potestas, quo quaque Pro-  
deorum concessione communi uti  
possit, bonorum accessione ma-  
jorem vim incommodi quid affe-  
rendi acquiserint aut cur eodem  
suo Naturali Jure & Potestate ad-  
versus eum alii uti nolint, sed  
magis illud illamve ei quasi com-  
modare, ut vicissim ab eo benefi-  
cia accipiant. Quamvis enim no-  
cere Cives Civibus suo Jure non  
possint, multum tamèn interest,  
Jus & Potestas alterius utrum no-  
bis justis & licitis etiam incommo-  
di nonnihil, multumve, an com-  
modi indebiti afferant.

Alia

Alia & tertia species Inæqualitatis, præter eam, quæ ex Ministerio publico, vel bonorum possessione oritur, ex præstantiâ Juris & Potestatis naturalis à Prodiis concessi concessæque descendit. Nam si cui suo Naturali Iure & Potestate præ aliis magis uti speciali privilegio, Prodi concedant, aut uti patiantur, & cæteris non concedant, aut alios ità uti non patiantur: hoc Juris & Potestatis usu, quo cæteris præstat, cæteris eatenus inæqualis est effectus. Et hujus Inæqualitatis species sunt, quoties unipluribusve ex Civibus quippiam etiam sibi & non in alios facere permittitur, quod omnibus ità non permittitur. Ut sunt omnes nudi honores & dignitates. Et has quidem Inæqualitatis species enumerasse suffecerit, ut earum exemplo cæteræ quoque species Inæqualitatis cognoscantur, quibus omnibus universum hujus Operis argumentum egregiè illustrabitur:

E

tur:

tur: cum ex his & illis sciri & cognosci possit omnem omninò Inæqualitatem Juris & Potestatis variis quidem modis acquiri, variisque in rebus consistere, sed à solis tamen Prodiis procedere: nullumque Civem aliundè inæqualem cæteris Civibus effici posse, quam à solis Prodiis, sive eorum tacitâ vel manifestâ voluntate inæqualis efficiatur.

Denique notandum est: volendi nolendique facultatem naturalem, uti in omnibus hominibus, ita proinde & in Prodiis mutabilem & ambulatoriam esse & dici oportere. Ut vel indè & hoc discatur, quemadmodum manifestâ vel tacitâ voluntate Prodeorum inæqualis quis quandoque effici possit, ità contrariâ voluntate eorundem tàm manifestâ quam tacitâ cæteris inæqualem effici posse. Et si inæqualis efficiatur, de mutatione Juris & Potestatis Jure queri non posse. Cum

omnis

omnis inæqualitas à solâ voluntate Prodeorum & revocatoriâ concessione usus Juris & Potestatis naturalis pendeat, & cum eâ ambulet. Quod etiam dicendum est, quamvis Prodiï verbis promittentibus & se obligantibus usi se non revocatuos Juris & Potestatis naturalis usum alicui promississent: quòd ex omni ejus modi promissione Naturalis tantum obligatio oriri queat, quæque proinde in statu Civili sive in Civitate nolentibus Prodiis nullam vim habeat, in quo quâve illi Cives sunt, & non amplius in statu Naturali: in quo solis Civibus, & non sibi eges præscribunt, aut præscribere possunt: Cum se ipsum quis ubere non possit, aut ita quid velere, ut idem post nolle non possit: Quemadmodum post eâ, & alibi atius & explicatius disputabitur.

## TIT. IV.

Omni Inæqualitatem Ecclesiasticorum non minus aut aliter, quam cæterorum Civium à solis Prodiis procedere: Nec ullum illorum & horum discrimen esse.

**H**Actenus nullo discrimine habito omnium, qui in Statu Civili sive Civitate sunt, & Civium numero habentur, Æqualitatem, quam à se ipsis habent, & Inæqualitatem, quam à solis Prodiis acquirere debent, atque possunt, exposui. Verum an aliquid hos omnes inter & Ecclesiasticos Cives discriminis ponendum sit, hoc Titulo, & quidem explicatius, tractare constitui: quamvis facillimo negotio, repetitione quamvis levissimâ factâ eorum, quæ superioribus scripta sunt Titulis sciri & cognosci possit,

possit, nihil hos inter & illos discriminis esse, cum *Cives* esse Ecclesiasticos constet, & hoc nomine eos insuper appellaverim.

Si quid enim discriminis ponendum sit, quo hi *Cives* a cæteris *Civibus* separarentur, *Inæqualitatem* eorum alterius esse naturæ & originis necesse est, quam cæterorum *Civium*: ne si ejusdem esse conditionis concedatur, & hoc etiam concedatur sit necesse, à solis *Prodiis* eam provenire & procedere, eorumque voluntate & acquiri & amitti. Ostendendum igitur est, alterius conditionis eam non esse, ut appareat, & omnem horum *Civium Inæqualitatem*, sicuti cæterorum *Civium Prodeorum* tantum beneficio acquiri.

Equidem *Æqualitatem Naturalem* in eo totam consistere supra ostendi, quod quis omne suum Jus & Potestatem suo Jure & arbitrio exercent; Et *Inæqualitatem Civilem*, quod idem Jus & Pote-

stas non nostro, sed aliorum, nempe Prodeorum Jure & arbitrio, & nonnunquam aliorum Civium, quibus id à Prodiis privilegio datum est, exercentur.

Et quidem his conjunctis *Iuris* & *Potestatis* nominibus significatur, & re verâ cum hoc negotio itâ comparatum est: Quod id ipsum, cujus ratione homines in Statu Naturali æquales, & inæquales in Civili dicuntur, nihil aliud sit, quam *Potestas*, quam aut Jure aut Injuria exercere dicuntur. Nam *Iuris* adjectio alio non pertinet aut ne pertinere quidem potest, quam ut indè, an licitum illicitumve illius *Potestatis* naturalis exercitium sive usus sit, dicatur. Cum nudum Ius sive quod *Potestate* destitutum est, nullius vis aut momenti sit. Si autem *Potestas* accedat, vim demum acquirat & alicujus esse momenti incipit. Usque adeò, ut solius tamèn *Potestatis* vi & beneficio æquales à Na-

à Naturâ simus, & in Statu Civili  
inæquales efficiamur. Palam au-  
tem est, omnem hanc Potesta-  
tem Corpore exerceri, & perfici,  
ut proindè *Actiones* ejusmodi om-  
nes *Corporales* sint, quæ hujus  
Inæqualitatis Iure instituuntur.  
Et hujus conditionis quidem  
omnes sunt actiones Prodeorum,  
quæ ab illis Iure Inæqualitatis fi-  
unt. Ut videndum sit, an illæ  
etiam actiones, quæ Ecclesiasti-  
cos cæteris Civibus inæquales  
constituunt, Corporales sint,  
hoc est, corpore & in corpora in-  
stituuntur? Et in ejusmodi Cor-  
poralis Potestatis usu & exercitio  
consistant? Quod penè otiosum  
esset, multis iterum argumentis  
& rationibus ostendere, cum ex  
præcedenti hujus Rei Tractatio-  
ne possit intelligi, nisi jam anti-  
qua hominum Ecclesiasticorum  
*impietas* totum hoc negotium va-  
riis, falsis & ineptis distinctioni-  
bus ita obscurasset, ut nullius ferè



rei Veritas minus, quam hujus negotii, perspecta sit, & cognosci possit. Quam tamen ego vel eâ solâ distinctione repetitâ, quam primo Titulo adhibui, manifestam & cognitam me facturum confido. Nempe si *Religio externa* ab *Interna* probè separetur. Et illius quidem Ecclesiasticos, non autem hujus, & multo minus utriusque curam gerere; aut hos aut quempiam alium gerere posse, dicatur. Et illam quidem *solo Corpore*, hanc autem *sola Anima* exerceri. Nullam hujus *curam* alterius, sed omnem ejus solius esse, cujus ea Religio est. Quis enim, quæso, jubere aut vetare posset quidquam cogitare alium, aut non cogitare. Has probare, & illas improbare cogitationes. Fidem habere dictis & acquiescere sententiæ ejus, cujus Ratio dictorum & sententiæ auditori non constet; sed sit, cur dubitet si ipsi non fati fiat, certusque reddatur? Cum  
ali-

aliter credere non possimus, & oratione quis sibi adversâ & contrariâ uteretur, qui credere ignorantem, aliter sentientem, aut dubitantem affirmaret. Ut de hac materiâ alibi latius disputabitur.

E contrario autem palam est, quod *Externa Religio*, cum solo Corpore exerceatur, sicuti cæteræ corporum nostrorum actiones, aliorum etiam Potestati supposita sūt. Juberi enim possumus, ut unum in locum conveniamus, docentem aliquem audiamus, capita detegamus, genua flectamus, conjunctas vel passas manus in cælum tendamus, Deum aliudve aliud præscriptis verbis invocemus, & honoremus: & alias actiones nostri Corporis infinitas, gestusque instituamus. Ut certum linguæ vocisque sonum efferamus, & quævis alia Corpore perficiamus, quæcunque externæ sive publicæ Religionis *Curatores Prodi*, aut *Procuratores Ecclesiastici*, aut fieri

jusserint, aut etiam vetarint.

Et hujus quidem naturæ & conditionis universa *Religio Externa* in cæteris Civibus est, nec huic ullâ ratione dissimilis illa *Externa Civium Ecclesiasticorum*, cujus solius ratione Cives illi, *Ecclesiastici* appellantur. Nam juberi possumus, ut eos qui unū in locum ita convenerint, hanc vel illam sententiam doceamus, & persuadeamus. Quæ item actiones & gestus Corporum nostrorum, quæ Oratio, qui sonus & sic porro, Deo Opt. Max. placeant, quæque displiceant. Item exemplo esse cæteris Civibus, quemadmodum Deum Corpore coli oporteat. Quæ quidem partes sunt præcipuæ omnis exercitii *Inæqualitatis Ecclesiasticorum*, & ejusdem etiam naturæ & conditionis cæteræ eorum actiones, quas illis ut Inæqualibus instituire licet, & cæteris Civibus, ut inter se adhuc æqualibus, instituire permissum non

non est. Nam omnes eorum *Actio-*  
*nes*, ut ita dicam *Ecclesiastica*, &  
Corpore fiunt & Corpore perficiuntur, & proinde Corporales sunt. Undè etiam dicendum est, ejusdem eas esse conditionis, cuius sunt omnes cæterorum Civium actiones, quas non privato, sed Prodeorum Jure & Arbitrio instituere oportet. Nam & hæc omnes *Corporales* sunt.

Et propterea nullo pacto existimare possum, ratione quemquam ita destitutum, aut ab eâ abhorrentem & alienum esse, si hæc omnia consultò perpenderit ut dubitare aut possit, aut videri velit, & *Corporales* omnes *Ecclesiasticorum actiones* esse, & proinde juberi & vetari posse, Prodeorumque Juri & Potestati supponi & suppositas esse. Cogitet igitur secum, quisquis est, qui aut dubitet, aut dubitare videri velit; An non suâ voluntate & arbitrio tam actiones hæc, vel ejusmodi cæteras omnes  
faciat,

faciat, quam eas omni ex parte moderetur, aut moderari possit, nolensque nihil harum rerum faciat, aut facere possit? Et fatebitur, omnes illas & voluntatis & arbitrii esse. Cui rei itaque consequens est, cum velle & nolle quid facere, actionum huiusmodi possimus, & sic, prout voluerimus aut noluerimus, eas aut faciamus aut non faciamus, juberi eas quoque & vetari posse, & proinde aliter, quam jussum vetitumve est, nulli Ecclesiasticorum facere licere, nisi etiam jubentibus vel vetantibus Prodiis parendum esse non opinetur. Quæ opinio Christiano & vel bono Civi non convenit. Sed quid ego rem usu quotidiano omnibus manifestam, longiori oratione docere & confirmare conabor? Et non potius oculos aliunde mentemque convertam? Ut hanc rem ipse usu quotidiano edoctus, aliis quoque, qui eam ita non animadverterint, aut  
per-

perspexerint, exemplis tradam. Quod nunquam aut rarò contingat, ut Prodii necesse habeant huiusmodi actiones Ecclesiasticas jubere, cum beneficii vel maximi loco ubique Gentium ducatur, & habeatur, *Religionem Externam & publicam* docere licere. Ambiunt enim *Ministerium hoc Ecclesiasticum* non aliter, atque aliud quodvis *Ministerium publicum*: pretio etiam nonnunquam redimunt, & donis vel aliis beneficiis benevolentiam captant eorum, à quibus eo, non dicam, onerari, sed honorari possint, & sperent. Postquam autem acquisierint, hæc eadem, quæ mea omnium eatenus etiam sententia est privilegio publico non privato Jure illud exerceri debere. Quamobrem etiam odio persequuntur, traducunt, veris falsisque injuriis onerant aliter sentientes; Et omnes Cives, & sæpè vel vilissimam Civium partem sive plæbem in eos concitant,

tant, ut obsistant. Et rursus laudant, qui obstiterint, & remunerationem divinam sæpe etiam confingunt, & variis & male sanis auditoribus prænunciant, & Dei Opt. Max. nomine, tanquam ab eo jussi, pollicentur. Adeò, ut illud, tantum non jubere, sed vetare Prodiï consueverint, & necesse habeant, ne injussu & suo Jure quis hoc *Ministerium* arripiat; Et ne privilegio publico licet acquisitum, suo quidem cum commodo & laude, sed cum incommodo publico, & dedecore Prodeorum exercent. Nam in vetando magis cura Prodeorum consistit, ne quis injussu & sinè privilegio quis *Ministrum* agat; quam in jubendo, ut quis hoc privilegio se ornari patiatur. Sed de his Rebus in alio Tractatu & *Libro Singulari*, cui *Arcana Ecclesiasticorum* destinaui, prolixiori oratione disputabo; Et quæ tamèn hoc loco quodammodo alieno leviter attingendæ vide-

videbantur, ut indè etiam constaret, & intelligeretur, totum *Ministerium Ecclesiasticum* Proleorum Juri & Potestati subji- cendum, & nulla ratione subdu- cendum esse.

Postquam itaque probaverim Actiones Ecclesiasticorum quæ Jure istius *Ministerii* instituuntur e- jusdem planè, & non alterius na- turæ & conditionis esse, cujus sunt cæteræ aliorum Civium a- ctiones, ut inde appareat, *Mini- sterium* quoque *Ecclesiasticum* ejus- dem naturæ & conditionis cum cæteris *Ministeriis publicis* esse, & hanc rem usu quotidiano omnium Gentium confirmaverim & com- probaverim. Quidnam aliud di- cendum super est, quam *omnem Inequalitatem Ecclesiasticorum, uti cæterorum Civium, à solis quoque Frodiis procedere; Neque ullum pro- pterea illorum & horum discrimen constituendum sive confingendum es- se, quo illi ab his separentur, qui- bus*



bus omninò , quoquo modo res accipiatur, conjungendi sunt.

### T I T. V.

Ecclesiasticos variis Privilegiorum extraneorum generibus cæteris se Civibus præpositos & hac ratione inæquales esse, dicere consueviffe. Quæ Privilegiorum genera summatim enumerantur.

**S**uperiorum Titulorum doctrinam nihil planè difficultatis aut ambiguitatis amplius continere existimo, quatenus dicatur, & probatum sit omnem *Inæqualitatē* hominum aut à se, aut ab aliis provenire, vel procedere oportere. Et quidem in statu Civili sive Civitate à solis Prodiis provenire vel procedere posse. Verum cum Ecclesiastici, ut se Juri & Potestati

stati Prodeorum subtraherent, & sibi aliquid Juris & Potestatis in Cives nihilominus arrogarent, (quod erat necesse, ne Prodeorum arbitrio ad *Aequalitatem* reduci posse viderentur) varia genera *Privilegiorum extraneorum*, hoc est, quæ aliundè, quam à Prodiis descendisse dicerentur, maximâ & horrendâ *impietate* in Prodeos confinxerunt: Et ea quidem res quamvis falsissima, & indigna, quæ multis argumentis & oratione longâ refutetur eo tamen pertineat, ut omnia hæc tamen amedicta & probata, frustra dicta & probata videantur, nisi falsa esse insuper & hæc res esse doceatur, sequentibus Titulis id agam, ut manifestò intelligatur, & postea ab omnibus, qui tantoperè ab Ecclesiasticis seducti & decepti sunt, ut huic falsissimæ eorum doctrinæ consenserint, credatur, *Nihil planè cujuscunque Privilegii aliunde ad Ecclesiasticos extranei pertinere, aut*

F

per-

66 De Iure Ecclesiasticorum, Tit. V.  
pertinere posse, nisi à Prodiis id ma-  
nifesta vel tacita voluntate datum  
vel concessum acceperint.

Ut autem id commodè & aptè  
agam, summam Privilegiorum,  
quæ aliunde, quam à Prodiis pro-  
venire, & ad Ecclesiasticos perti-  
nere dicuntur, hanc esse consti-  
tuam quod alia *divini*, alia *humani*  
*Iuris* sunt.

Quæ *divini juris* esse dici pos-  
sunt, ea trium esse generum. *Alia*  
*enim* reperiri in *sacra Scriptura Ve-*  
*teris ac Novi Testamenti*: *Alia Ra-*  
*tione Naturali sive lege Naturæ à*  
*Deo hominum inscripta cordibus ani-*  
*misque declarari*. *Alia denique ab*  
*ipsomet Deo extrà ordinem & præter*  
*Rationem Naturalem, legemve Na-*  
*turæ hominibus patefieri*.

Hanc autem tripartitam *Privi-*  
*legiorum divinatorum*, sive quæ Deum  
habere auctorem largitoremque  
dicuntur, divisionem non modo  
cuius placituras, sed etiam cui-  
vis adeò fore probabilem opinor,

ut

ut eam porrò aliis confirmari rationibus aut argumentis non sit necessarium. Nam cum non aliis aut pluribus, quam his tribus modis Dei voluntatem cuiquam unquam innotuisse vulgò credatur, aut cognosci posse existimetur, quid causæ esset, quamobrem cuivis non placeret, & probaretur? Præterquam, quod si totum hoc negotium diligentèr excutiatur, attentèque perpendatur, nullâ ratione videam, aut intelligam: Cur alii aut plures modi fingerentur. Quia omnes alii id genus, quicunque excogitari possent, ad hos tres modos commodè reduci possint ut factò periculo confestim comperietur. Adeò, ut huic rei planè sit consequens, nequè aliis, aut pluribus, quam his tribus modis singularem Dei favorem, homini hominem præficientis aut præponentis, neque alii aliisve, ut se Præfecto Præpositove subditum subditosve gerat gerantve,

innotescere posse, aut manifestum fieri. Nam is favor vel ipsa Dei voluntas est, cui obsecuturi, ut par est, Præfecto Præpositove Dei vice locoq; paremus: Aut voluntas Dei favens, idque ratione Præfecti Præpositive, quod hunc solum Deus & non alium alii aliifve præfecerit aut præposuerit. Et sic res eodem revertetur, nec alii, aut plures modi invenientur.

Et hoc est, quod hoc Titulo præmittendum erat ut securius & commodius ad singulas illius tripartitæ divisionis partes, sive singula hujus modi Privilegiorum genera explicanda & pertractanda progrederer.

T I T.

TIT. VI.

Nulla divini Juris Privilegia  
in Sacrà Scripturâ Veteris  
& Novi Testamenti repe-  
riri, quæ Ecclesiasticis Jure  
rectèque tribuantur.

**P**Rimi generis divina Privilegia, quæ Ecclesiastici sibi ipsis, aliique ab his decepti illis attribuire, aut adscribere consueverunt, ea esse superiori Titulo admonui, *quæ in Sacra Scriptura Veteris & Novi Testamenti reperirentur.* Verum in eâ nihil minus, quam ejusmodi Privilegia reperiri, quæ Jure rectèque Ecclesiasticis tribuantur, & adscribantur, ex his subjectis rationibus & argumentis, quas quæque enumerabo primùm, & deinde latius explicabo, adeo puto fore intellectu facile & manifestum, ut de hac meâ Opinione & Sententia, ne-

F 3 mo

mo post justam dubitandi causam habiturus sit.

Ut igitur, quisquis hæc lecturus sis, non tui culpâ Judicii, quod abominor, hanc *divina Veritatis* lucem penitus nequeas intueri, te rogo atque obtestor, ut discussâ prius omnis *præjudicii* caligine, ita ad lectionem earundem rationum & argumentorum accedas, ut liberrimo & omnis *præjudicii* vacuo animo easdem mecum expendas. Oportere nimirum ejusmodi divina Privilegia, quæ in sacris Codicibus reperirentur, ut Ecclesiasticis Jure recteque tribuantur, his *simul* prædita esse qualitatibus. *Ut sint perpetua: Item Communia: Item Generalia: Et ejusmodi concessa Ecclesiasticis, quales sunt Ecclesiastici nostri temporis: Idque tam in Prodeos suos, quam Civés. Denique eadem illa, & non varia esse oportere.*

Ajo; *Perpetua.* Nam si ad tempus modò quædam erant concessa  
Privi-

Privilegia: elapso tempore, quo  
seu termino Deus Privilegium aut  
Privilegia definivit, cessarent ipsa  
Privilegia, quòd voluntas conce-  
dentis Dei deficiat, qui præsti-  
tuto Privilegiis tempore, eo us-  
que dum præstitutum tempus ela-  
batur; Privilegia esse voluit, sed  
post illud tempus non voluit. Ut  
nova voluntas Privilegia conce-  
dendi, ipsaque concessio iterum  
sit necessaria.

*Item Communia.* Nam si uni for-  
tè Ecclesiastico, & non pluribus  
quædam olim fuissent concessa  
Privilegia: aut etiam pluribus, sed  
non omnibus istius & sequentis æ-  
vi, Privilegia personam personæ-  
ve non transgrederentur. Quem-  
admodum etiam non transgrede-  
rentur, etiamsi universo Ecclesia-  
sticorum Ordini, sed vel in Po-  
pulo Judaïco tantùm, & non etiam  
in Populo Christiano concessa fu-  
issent: & vice versâ.

*Item Generalia.* Nam si propter

F 4

ali-



aliquod speciale commodum, & utilitatem vel Populi Judaïci vel Christiani acquirendum: vel incommodum speciale præcavendum, quædam olim Deus Privilegia Ordini Ecclesiastico concessisset, non tempore aut personis, sed ipsâ re confectâ sive confecto negotio Privilegia definirentur, & cessarent. Idem est, si olim Privilegia vel rationi Reip. vel morum alterutrius Populi, hoc est, Judaïci vel Christiani, vel alterius cujuscunque rei fuissent accomodata, & propterea Ordini Ecclesiastico concessa. Nam & hæc omnia Privilegia mutationem earum rerum sequuntur, & cum his intercidunt, nec iterum ipso Jure debentur, etiam si eadem Privilegiorum ratio revertatur: quod voluntas Dei deficiat eadem Privilegia concedendi: Neque prior voluntas implicet aut designet novam, & multo minus per omnia eandem voluntatem.

em. Cujus dicti Veritas vel inde  
manifesta est, quod omnium tem-  
porum rerumque quamvis Deus  
omnia, quæcunque fiunt, æterno  
arbitrio determinavit, & in tem-  
pore variis modis & instrumentis  
conficiat, non idem semper sit  
eventus.

*Et ejusmodi concessa Ecclesiasticis,*  
*quales sunt Ecclesiastici nostri tem-*  
*poris.* Vanum etenim est, & Ra-  
tioni minimè consentaneum Pri-  
vilegia Veterum Ecclesiasticorum  
nostri temporis Ecclesiasticis tri-  
buere, si illi & hi inter se differant,  
qualecunque discrimen sit, quod  
eos quo quomodo, & eorum Pri-  
vilegiorum & usus eorum incapaces  
efficiat. Adeò ut omnia Ordini  
Ecclesiastico concessa Privilegia,  
si sint *æterna*, si *communia*, si  
*generalia* etiam ad alios tamen  
non sint porrigenda, quam qui  
ejusdem per omnia Ordinis, id  
est, conditionis sunt. Nam alte-  
rius conditionis homines, alterius

& Civilis sunt Ordinis, & non ejusdem Ecclesiastici. Neque rationis est, ab eodem nomine eadem derivari Privilegia, quod sibi ipsis dare potuerint, vel ab aliis hominibus, illis dari possit, ac detur.

*Idque tam in Prodeos suos, quam Cives.* Hæc clausula non temerè, aut sine causâ adjecta est. Multum enim interest, utrum etiam speciatim in Prodeos & Cives illa Privilegia ab ipso Deo sint concessa, quæ Ecclesiastici sibi tribuunt. Nam cæteris illa prædita esse & munita qualitatibus, quas supra Enumeravi, non tantum illis tribuit auctoritatis, ut omninò Ecclesiasticis parendum sit, si hæc una qualitas deficiat. Et plus momenti hæc una separatim affert cæteris, quam cæteræ conjunctim huic uni afferunt. Ubique enim Terrarum & Gentium sunt Prodei & Cives, qui animos Prodeorum dictis & arbitrio parentes gerunt.

& no  
erunt. Et ipse Deus hanc legem  
quod  
tionem vivendi in omnibus po  
quod  
tit, ut Prodiis pareant, illisque  
el ab  
endo sibi ipsi parere, qui per  
rodeos in omni Civitate Cives  
ingit. Et Sacra consentit & jubet  
criptura, ut minus hanc Verita-  
m divinam negare Ecclesiasticis  
conveniret. Et si parendum sit,  
tam sp  
uinam omninò non, aut aliquan-  
ves ul  
no non parendum esse, aut quate-  
et con  
us parendum sit, discernent?  
ecclesiastici ne? Qui & ipsi Cives  
predi  
ant, & proinde Prodiis ipsi obe-  
is, qua  
ientiam debent. Adeò, ut pars  
ranon  
muneris sivè Ministerii Ecclesia-  
ic om  
ici vel maxima & potissima sit,  
n sit,  
anc obedientiam Cives docere:  
Et plu  
illisque conveniat Prodiis paren-  
atim al  
o, cæteris Civibus exemplo esse.  
An verò unusquisque Civis pro  
e, quando parendum, aut non  
Ubique  
parendum, aut quatenus paren-  
um sit, discernet? Quod utique  
Rationi magis consentaneum est,  
quam

quam quod Ecclesiastici Cives  
 pro cæteris Civibus discernent  
 Et à Ratione quam maximè ab-  
 horrens, quod cæteri Cives Ec-  
 clesiasticorum arbitrio & iudicio  
 vitam Civilem instituerent: illis  
 que iussa Prodeorum dissuadenti-  
 bus parerent. Et mihi quidem eò  
 redire omnis hæc controversia vi-  
 detur, & hac distinctione posse  
 determinari. *Statum Naturalem*,  
 quantum mores & omnis vitæ in-  
 stitutum attineat, in eo consiste-  
 re, quod Deo Opt. Max. per Ra-  
 tionem imperanti obsequamur: &  
*Statum Civilem*, ut eidem Deo per  
 Prodeorum Rationem, hoc est,  
 per Prodeos imperanti pareamus.  
 Ut neutiquam Ratio Naturalis  
 inter Deum hominesque non in-  
 tercedat, aut vivendi regulas non  
 præscribat. Quamobrem ità sen-  
 tio; Si Ratio Civis privata à pu-  
 blicâ Prodeorum dissentiat, pa-  
 rendum semper Rationi Prodeo-  
 rum esse, qui ob hoc ipsum, hoc  
 est,

est, ob Naturalem hominum ad  
dissentendum facilitatem, in omni Civitate sunt constituti, ut  
eorum Ratio quasi omnium Civium esset, & in eorum sententiam omnes Cives conveniendo, omnium Rationes consentirent. & in hac re omne obsequium Prodiis debitum consistit. Si tamen quandoque eveniat, ut Ratio privata adeo à publicâ dissentiat, & differat, ut publicæ Rationi parendo Deo non parere privata quemquam dicat: Cui utique Deo Opt. Max. & quidem semper parendum est, & parere nos existimare debemus, aut non aliter Prodiis parere, quoties illis pareamus: Is utique Civis obedientiam denegando, *Civilem statum* re ipsa & hoc facto eatenus relinquit, & ad *Naturalem* revertitur: Et proinde rectè, & divinæ Rationi convenienter facit, quod Rationi suæ hoc est, Deo magis, quam publicæ, hoc est, Prodeorum obsequia

quatur. Quos utique pro hominibus sibi æqualibus, & neutiquam sibi præpositis, hoc est, pro Prodiis habet, quoties & quatenus illis obedientiam denegat. Et sic omnia omnino cessant quoque Privilegia Ecclesiasticorum, cum suæ ipsius Rationi, & non aliorum, hoc est, Ecclesiasticorum, parere quisque, Deo ipso per Rationem ita jubente, habeat necesse. Quamobrem etiam illa hîc locum habebunt, quæ de *auctoritate Docentium in Statu Naturali*, Titulo primo exposui. Apparet igitur ex his omnibus, quæ ad hunc paragraphum dicta sunt, quæ & quanta sit vis hujus unius qualitatis Privilegiorum Ecclesiasticorum, & quàm omnia sint infirma, si hæc una qualitas cæteris qualitatibus non accedat.

*Denique eadem illa & non varia esse oportere. Hæc ultima qualitas quàm necessario cæteris quoque qualitatibus Privilegiorum accedat,*

at, & quantum cæteris decedat,  
vel hæc sola absit, operæ pre-  
mium non puto multis demonstra-  
re. Necessitas enim ipsa se osten-  
dit. Et si quis animum propius  
cæteras qualitates advertat, is sen-  
tiet & dicet hanc cæteris inesse,  
vel subaudiri. Placuit tamen, ne  
quid, quo conditiones horum  
Privilegiorum magis elucerent,  
de esset, hujus qualitatis ultimæ  
vim paucis demonstrare. Quæ in  
eo consistit, quod non satis firmi-  
tatis, auctoritatis ac virium hæc  
Privilegia Ecclesiasticorum, cæ-  
teris licet omnibus sint qualitati-  
bus munita, habitura sint, si di-  
stinctione hujus qualitatis ultimæ  
possint infirmari.

Nam quod fortè sint *Perpetua* :  
*Quod Communia* : *Quod Generalia* :  
*Et ejusmodi concessa Ecclesiasticis,*  
*quales sunt Ecclesiastici nostri tempo-*  
*ris; Idque tam in Prodeos suos, quam*  
*in Cives* : hæc omnes qualitates ejuf-  
modi tantum Privilegiis simul  
con-



conveniunt, quæ sunt *Eadem* id-  
est, iisdem Privilegiis, quæ his om-  
nibus qualitatibus simul sunt  
munita, & non aliis atque aliis,  
five variis variantibusque Privile-  
giis. Nam ut his omnibus qualita-  
tibus illa Privilegia simul esse mu-  
nita & instructa oporteat, ut Eccle-  
siasticos ab omni obedientiâ Pro-  
diis debitâ liberos atque solutos,  
ut & ab omni denegatæ obedien-  
tiæ culpâ atque poenâ, præstent:  
ita non erunt admodum, & mul-  
to minus ab omni parte liberi so-  
lutique, si hæc non *Eadem* per om-  
nia sint Privilegia, quæ illis om-  
nibus qualitatibus simul munita  
& instructa sint. Nam si Prodeo-  
rum & Civium, cæterorumque  
hominum extrâ Civitatem sive in  
Naturali statu viventium Deus  
multa Privilegia *Perpetua, Com-  
munia Generalia, & ejusmodi Eccle-  
siasticis, quales sunt Ecclesiastici no-  
stri temporis. Idque tam in Prodeos,  
quam in Civis (addo, & in cæteros  
homi-*

homines in Statu Naturali viventes ) concessisset , non eluderet quis vim horum Privilegiorum , sed rectè & jure obsequium Ecclesiasticis denegaret ; si modo rectè non *Eadem* ea esse Privilegia contendat , quibus illas omnes qualitates , ut vim habere justam necessariamque curent , Ecclesiastici adscribere & tribuere solent , & illis omninò convenire ajunt. Imò nequaquam impius in Deum Opt. Max. existimandus est , & proindè sine justa causa Ecclesiasticis obedientiam denegare , qui eo usque eam illis denegandam arbitraretur , & re vera denegaret , si solum Ecclesiastica *Eadem* illa esse Privilegia , quibus cæteræ illæ qualitates simul convenire prætentant , tam manifestè probaverint , ut dubitandi nullam amplius , ac proinde nec obedientiam denegandi quidem causam se habere sentiat , à quo obedientia Jure Privilegii alicujus Ecclesiastici Exigitur,

G

gitur,

gitur, & postulatur. Nam justam dubitandi causam unusquisque semper habet, à quo homo alius quidquam non suo Jure (quæ res non longam aut difficilem Veritatis cognitionem postulat; cum Jure Naturali cuivis manifesto, vel Jure Civili definiatur) sed alieno & quidem divino desiderat. Et quidem, quod omnium rerum est factu difficillimum, ut suâ ipsius Ratione neglecta, quam solum vivendi regulam omnium animis Deus Opt. Max. indidit, alterius hominis aliorumve hominum Dictis eandem fidem accommodet, ac si sua hoc ipsi Ratio dictavisset, quæ nunc tamen fidem Dictis accommodari negat. Et quam fidem ob id tamen solum quis esset accommodaturus, quia Deus Opt. Max. eam fortè accommodari velit. Quoties igitur quis dubitat, & *Iure* denegat, quod postulatur: quoniam, quantum ad dubitantem attinet, idem est, ac

c si indebitum & injustum ab eo  
ostularetur: quod si præstare re-  
uset, nulla ratione debitum ne-  
are, aut injustus esse dicendus  
est. Sed Rationi suæ, quam à Deo  
Opt. Max. ducem hujus vitæ ac-  
cepit, convenienter se instituere  
& proinde ipsi Deo Opt. Max.  
obedientem esse.

Et sic hætenus *sex illis qualita-*  
*tibus* explicatis, quæ Ecclesiasti-  
corum Privilegiis adeò simul sunt  
necessariæ, ut nequaquam Privi-  
legiorum Jure sint censenda, si vel  
una ex illis sex qualitatibus, &  
multo minus si plures, aut etiam  
omnes abessent. Ut tandem etiam  
ex ratione earum appareat, & lu-  
ce meridiana clarius elucescat;  
*Nulla divini Juris Privilegia in Sa-*  
*crâ Scripturâ Veteris & Novi Testa-*  
*menti reperiri, quæ Ecclesiasticis Iure*  
*rectèque tribuantur: Quod argu-*  
*mentum est hujus Tituli, & sub*  
*eo probandum suscepi: rectæ Ra-*  
*tionis dictamini minus conve-*  
G 2 nien-

nientèr me facturum existimo, si porrò aliàm probandi viam incederem, quam Ecclesiasticos id quod multis & supervacuis rationibus & argumentis probandum esset, interrogando. Nam alioquin multa repetenda forent, quæ jam superius in explicatione & interpretatione singularum Qualitatum dicta sunt, aut, quòd perquam sint manifesta, singularem tractationem minimè postulant. Deinde nullo Jure nullaque ratione Exigi ab eo aliæ confirmationes, comprobationesque poterunt, qui factum neget: & propterea, etiam multo minus ejusmodi quid exigendum est, si non sine causa, & proinde justè & bona fide se negare factum quid esse ostenderit, uti me puto jam ostendisse.

Accedit, quod alioquin etiam omnium & singulorum Privilegiorum, quæ Ecclesiastici sibi tribui volunt, rationes & argumenta,

ta, & earum eorumque rursus confirmationes omnes & singulas comprobare haberem necesse, ut tractandi rationi satisfiat; Quæ res singulare, & quidem ingens Opus postularet: si non Satyram potius, cum omnia Ecclesiasticorum rationes & argumenta tantopere à rectæ Rationis ductu aberrent & recedant: nisi hæc res à serio & pio hujus Operis instituto abhorreret. Denique ipsos Ecclesiasticos in hac re summâ & quidem suâ causâ Judices facturus sum, quo melior illis conditio afferri, & æquior à me desiderari non potest. Quæso igitur, ubi nam in universa Sacra Veteris aut Novi Codicis Scripturâ Privilegia ejusmodi, aut vel unum ejusmodi ex illis omnibus, quæ & ipsi sibi tribuunt, & ab aliis sibi tribui volunt, reperitur, quod sex illis *qualitatibus* simul sit munitum, quæ conjunctæ tamèn vim debitam & necessariam illis solùm conferant. Et è

contrario, an non ab omnibus & singulis omnes illæ sex qualitates simul absint? Omnia, quæso, & singula sua Privilegia, & omnia & singula, rationum & argumentorum momenta, quibus, seu fundamentis ea inniti, quibusque confirmari ea liquidò, aut alio quocunque modo posse arbitrentur, diligenter & præsentis animo, qui omni Præjudicii impedimento vacat, expendant, si fortè nondum expenderit. Res enim non ipsorum solum, sed & omnium aliorum hominum, & ipsius Dei Opt. Max. agitur. Et vel per se dignissima est, ut vel sola, cæteris intermissis ad aliquod tempus negotiis, expendatur. Præterquam, quod non solum & eum peccare mecum sentient, qui sciens falsò sed etiam eum, qui dubitans, & qui incertus divini Juris sibi debiti, aut Privilegii quicquam vel minimum, etiam minimam particulam certò arrogaverit, tribue-  
rit,

rit, adscripserit. Et dubitandi cau-  
sam non unam, sed multas, & ex  
quibus, si certi fieri velint, ut o-  
portet, etiam plures confici pos-  
sunt, suppeditasse aut suggestisse  
me confido. Ego quidem certus  
sum, & ex quo hanc materiam di-  
gigentius expendere cepero, in  
dies certior factus sum, neminem  
ex Ecclesiasticis esse, si ita expen-  
derit, quin mihi consentiat: ne-  
minemque si post hac ita omnia  
expendit, quin mihi sit consen-  
surus. Sed vereor, ne hæc mea  
sententia in triplex genus homi-  
num Ecclesiasticorum incurrat &  
incidat. Et *eorum*, qui metu Veri-  
tatis Privilegia, quæ dicuntur Ec-  
clesiastica sive Ecclesiasticis debe-  
ri, & eorum rationes & argumen-  
ta, rationumque & argumeto-  
rum momenta singula non expen-  
derint. Et *aliorum*, qui veteris præ-  
iudicii vitio & culpâ, quamvis ex-  
penderint, veritatem tamèn ne-  
quient intueri: Et denique *eorum*,

G 4

qui



qui postquam expenderit, & divinam Veritatem cognitam & perspectam, habuerint, animi superbientis vitio veritatem dissimulabunt. Et qui propterea omnes in hoc convenient, & vocibus scriptisque consentient: Quod aut omnia, aut saltem pleraque, quae vulgò Ecclesiastici sibi tribuere & adscribere, consueverint, Privilegia, Ecclesiasticis re vera, & ex voluntate Dei in Sacris patefactâ Codicibus debeantur. Sed culpâ fieri malevolorum hominum, qui Naturali vitio & pessimæ vitæ consuetudine sunt corrupti, quod divina illa Ecclesiasticorum, Privilegia non agnoscantur. Et eandem ob causam Prodeos eadem non agnoscere Privilegia, & pati nolle, ut in se ipsos aut Cives suos exercentur cum maximè ipsorum ambitionis interfit, in nullâ re duces & monitores, & multo minus magistros & præceptores agnoscere, & ob-

fer-

servare. Quibus hominibus in-  
otis aut malevolis, ut etiam eo-  
dem opere & negotio ante satis-  
fiat, quam ad alia pertractanda  
transgrediar, si sibi fortè satisfac-  
eri velint: ut nihilo minus appa-  
reat, non hujus Veritatis aut meâ,  
sed sui culpâ, ipsis non satisfieri,  
non nullas rationes & argumenta  
supradictis breviter adjiciam. Ne-  
go itaque culpâ fieri aut malevo-  
lentiâ hominum, tam aliorum  
quàm Civium, nec prætereà am-  
bitione Prodeorum, quod hujus-  
modi divini Juris Privilegia, sive  
quæ in Sacris Codicibus reperi-  
rentur, Ecclesiasticis data & con-  
cessa negent. Et verissimum esse  
contendam, aliâ de causa non a-  
gnosci, quam quia in Sacris Co-  
dicibus ipsi agnoscere animadver-  
tere sive reperire ejusmodi Privi-  
legia non possint. Et quia sibi ab  
Ecclesiasticis, in illis Codicibus  
agnita, animadversa sive reperta  
non demonstrantur. Nam recta

G 5

Ra-

Ratio non patitur, qui Deum Opt. Max. omnia potentem & scientem credant: ut eum ob infinitam *Potentiam* non metuerent, & ob infinitam *Scientiam* fallere posse confiderent. Noverunt enim se viribus multo inferiores esse, quam ut ei resisterent: & scientiâ, ut eum fallerent. Et eadem Ratione docentur, expedire, quod propitium & non iratum sibi habent eum, cuius voluntati, sua ipsorum voluntate postposita, ob infinitam illam potentiam parere habeant necesse: Et qui certò scire potest, utrum suæ voluntati per omnia paruerint: Imò qui internas animæ cogitationes cognoscit & prospicit, ante quam ita cogitent, & perspicit, cum ita cogitent. Cui nihil omninò magni, nihil parvi, etiam minimi momenti, quod Anima in homine cogitabit, quodque postea cogitabitur: & quod ex Animæ cogitantis & volentis arbitrio Corpus

Deus deinde efficit: sive quæ Cor-  
poris motu Naturali fiunt; & ut  
omnia uno verbo complectar,  
quæcunque & quocunque modo  
ab Animabus & à Corporibus ho-  
minum proveniunt, & provenire  
possunt, tectum, occultum vel in-  
cognitum aut tegi vel occultari po-  
test, aut Ipsius omnia cognoscenti-  
bus conspectui subduci quo minus  
sciat & prospiciat. Hunc necessa-  
rio, si *καθὰ ἀνθρώπων* loqui liceat,  
(quod utique ab omnibus homi-  
nibus faciendum est, donec aliam  
Rationem ille idem Deus Opt.  
Max. Animabus nostris indiderit,  
& sic aliter ab eo eruditi simus, &  
ab hominibus etiam sit, scriptura  
sacrorum Codicium ità præeun-  
te, & *καθὰ ἀνθρώπων* loquente, quam  
ducem in rebus divinis sequimur)  
odio habere, & proinde illis ob-  
esse, qui suam ipsorum volunta-  
tem ipsius voluntati præposue-  
rint; & benè velle, & proinde illis  
prodesse, quicunque suam ipso-  
rum

rum voluntatem ipsius voluntati  
postposuerint, & huic per omnia  
paruerint. Cui rei itaque conse-  
quense est, Veritatem eorum, quæ  
homines inepti aut malevoli for-  
tè prætendent, non modo longis-  
simè à sanâ Ratione recedere, ve-  
rum etiam ab ea planè abhorrere:  
cum ei per omnia adversentur:  
Quando quidem ipsius rei Natu-  
ra, ut eiusmodi res eveniant, &  
contingant, nullo modo patiatur.  
Cum omnes & Deum Opt. Max.  
esse, & ist hæc omnia de eodem  
Deo indubitato credant. Sed vi-  
deor mihi exaudire hanc quoti-  
dianam vocem calumniantium,  
aut ineptorum hominum Eccle-  
siasticorum: *Magnam, si non maxi-*  
*mam partem hominum, tam aliorum,*  
*quam Prodeorum, Deum esse, & ist-*  
*hæc omnia de eo indubitato non crede-*  
*re: & rursus aliam vocem ejusmo-*  
*di hominum Ecclesiasticorum, qui*  
*superioribus in accusando mitio-*  
*res sunt, aut videri volunt, dicen-*  
*tium;*

ium ; *Quamvis magna, non tamen maxima pars hominum, tam a-*  
*iorum, quam Prodeorum, Deum esse,*  
*& isthac omnia de eo forte credant,*  
*amen sibi ipsis & data illa Privile-*  
*ria negando, & impediendo quo mi-*  
*us illis utantur & Deum esse, & ist-*  
*hac omnia de eo credere non videri.*  
Sed ad utramque vocem hæc re-  
sponfa habento. Et primum isti  
prioriores. Injustam & ineptam esse  
accusationem eorum, quod ejus  
Dei jussis & imperio non pareant,  
quem non esse certò credunt. Qui  
enim recta Ratione duce fieri po-  
test, ut nullius jussis & imperio,  
hoc est, nulli, sivè nemini jubenti  
sivè imperanti parerent? Et  
quod proinde parendo Ecclesia-  
stici in se se alterius, qui non est,  
obtentu & nomine, sibi ipsis jam  
demum Juris aliquid, quod antea  
non habuerunt, adipisci videren-  
tur. Et quibus propterea usum  
Privilegiorum impediendo, & il-  
lis data esse negando, ostendunt  
illis

illis se se nolle subicere, illosque in se quasi Prodeos rerum sacrarum, quæ antiquâ & prava consuetudine cæteras res humanas trahere solent, constituere. Et quidem hoc isti posteriores: Inepta & falsa ratione indè colligi, propterea illos videri & Deum esse & isthæc omnia de eo non credere, quia ejusmodi Privilegia Ecclesiasticis data negent, & ob id usum eorum impediant: Nisi etiam simul & hoc verum esse probetur, utrumque contra animi sui sententiam facere. Nam si ex ea faciant, Rationi convenienter ea faciunt, quo nihil amplius à quoquam Jure desiderari potest. Cum unum quemque suæ Rationi convenienter vivendo ipsi Deo recte servire, dicendum est, & optimo modo in omnibus parere. Quod dici de illis Jure recteq; non posset, si sua ipsorum Ratione post posita incerti, & proindè dubitantes ( ut certis esse

esse non licet in rebus solâ Ratione cognoscendis, nisi nostra id nos Ratio doceat, ut alibi pluribus ostenditur) aliorum, id est, Ecclesiasticorum Rationem præponerent & per omnia sequerentur. Cum hoc pacto hominibus magis, id est, Ecclesiasticis, quam Deo per Rationem contrarium jubenti; aut credere non permittentem, auscultarent & obedirent. Ut hinc palam & per omnia manifestum sit, omninò rectè facere eos, & qui Deum esse verè non credunt (si modo unus è milibus homo ejusmodi, Ratione tamèn sana præditus fortè reperiatur) & qui Deum esse verè credunt; Et quidem illos, nisi & Deus esse, & deinde ejusmodi voluntas certò probetur; hos autem, nisi de ejusmodi voluntate Dei ipsis satis certòque constiterit. Et prætereà otiosum puto, hoc loco etiam commonuisse, ex iisdem rationibus & argumentis sub hoc

Titu-



Titulo ad ductis & explicatis, palam & manifestum esse, maxime, si his illa jungantur, quæ prolixiori oratione Tit. I. II. III. & IIII. de Jure & Potestate unius cujusque in se ipsum in *Statu Naturali*, & Prodeorum in omnes & singulos Cives in *Statu Civili* profecutus sum, ut denuo evincam, *Ecclesiasticos homines etiam in rebus ad Deum, & ejus cultum pertinentibus, nihil prerogative habere in homines in Statu Naturali constitutos: Et in Statu Civili unà cum ceteris Civibus Iuri & Potestati publicæ sive Prodeorum suppositos esse; distinctione tamèn sempèr servatâ Religionis internæ & externæ, secundum ea, quæ sub iisdem Titulis non uno in loco, disputavi & explicavi.*

T I T.

TIT. VII.

Nulla etiam divini Juris Privilegia Ratione naturali, sive lege Naturæ à Deo hominum inditâ Cordibus Animisque declarari, quæ Ecclesiasticis Jure rectèque tribuantur.

**S** Equitur, ut sub hoc Titulo ostendam; *Nulla etiam divini Juris Privilegia Ratione naturali, quæ ut lex Naturæ à Deo hominum indita est cordibus animisque declarari, quæ Ecclesiasticis Jure rectèque tribuantur.* Quæ quidem quæstio videri posset supervacuo labore speciatim denuò tractari cum ea suprâ sub Titulo II. III. & IV. satis superque tractata & explicata sit. Quòd quidem ex parte verum est, quatenus sub iisdem Titulis hujus Quæstionis quidem fundamenta sunt posita; Et quibus

H

bus

bus propterea nihil novi apponam, quod meam me tum sententiam satis superque explicasse & comprobasse existimem, verum cum ea, quæ ibi dicta sunt, non eo per omnia sensu, dicuntur, quo hæc Quæstio sub hoc Titulo disputabitur, iisdem quidem rationibus & argumentis ad aliquid utendum, & nonnihil tamen antè dictis adjiciendum erit. Notandum itaque est, de eo genere hominum me disputationem instituisse, qui non in sui ipsorum Potestate sui que Juris sunt constituti, sed aliorum, id est, Prodeorum Juri & Potestati sunt suppositi. Usque adeò, si ulla illis Privilegia deberentur, ea ejusmodi esse oportere, ut illis etiam in Statu Naturali in alios homines deberentur, vel jam in Statu Civili in cæteros Cives debeantur. Et proindè, si verum est, ut verum esse jam suprà ostendi, quod in Statu Naturali (in quo solâ Ratione suâ ipsius

ipfius duce unus quisque utitur,  
& uti debet) omnes homines æ-  
quales ſint, id eſt, nihil omninò  
Juris aut Potestatis, & propterea  
multò minus quidquam privi Juris  
ſive Privilegii in alios habeant,  
aut habere poſſint, præterquam  
in ſe ſolos: quia ſibi ipſi, id quic-  
quid haberent aut adipiſcerentur  
Juris, Potestatis aut Privilegii in  
Æquales propter Æqualitatem  
dare non poſſunt; Nequè ab Ex-  
traneo adipiſci, cum in hac vitâ  
nemo exiſtat, qui hoc illis daret.  
Nam & is utique homo eſſe debe-  
ret, qui cum & ipſe æqualis cæte-  
ris eſſet, propterea eodem Æqua-  
litate Jure prohiberetur. Conſe-  
quens eſt, in ſtatu Naturali nulla  
omninò Privilegia Naturali Jure  
illis deberi, aut competere poſſe.  
Et deindè, ſi etiam verum eſt, ut  
ſuprà quoque verum eſſe oſtendi,  
quod in ſtatu Civili, qualitate  
communi deſcriptâ, omnes Cives,  
& qui Civitatem ab initio conſti-

H 2 tue-

tuerunt, & qui ab his progeniti sunt, quique jam constitutæ Civitati, ut extranei, accedunt, omne omninò Jus & Potestatem, quod quamq; in se quisque à Naturâ, id est, à Deo Opt. Max. accepit, in Prodeostransulerint, aut communi omnium Civitatum lege fundamentali intelligantur transfuisse. Adeo, ut nullum Civitati utile & necessarium Jus & Potestatem retinuerint, & multo minus, in alios ejusdem jam constitutæ Civitatis Cives acquisierint. Et quod omne omninò Jus & Potestatem, si quod quamque in alios Cives habituri sint, à Prodiis qui utrumque habent, accipere debeant: secundum ea, quæ cum de cæteris Civibus, tum speciatim de Ecclesiasticis Civibus agebam, qui in eo a cæteris Civibus nullo modo differunt, sub speciali Titulo ostendi. Consequens etiam est, neque in statu Civili ulla omninò Privilegia Naturali aut Civili

vili Jure illis deberi, aut compe-  
tere posse. Quamobrem iis quæ  
sub præcedentibus Titulis dicta  
& comprobata sunt, summatim  
ita repetitis & sententiæ meæ a-  
pertius declarandæ causâ non-  
nullis additis, ità concludi res  
tota videtur posse. Quando qui-  
dem in alio Statu, quam aut Natu-  
rali, aut Civili Ecclesiastici ho-  
mines considerari non possint,  
quod alius qui in tertio genere  
esset, Status neque sit neque ani-  
mo comprehendi possit: & in u-  
troque Statu nulla omninò Privi-  
legia Jure quopiam illis debean-  
tur, aut competere possint: *Nulla  
ob id Ecclesiasticis his hominibus Pri-  
vilegia ullo modo & ratione deberi,  
aut competere posse nisi & quæ singu-  
los à singulis in statu Naturali, & in  
statu Civili à Prodiis in ipsos & in  
ceteros Cives accipiant acceperintve:  
Et proindè, quæ non Iure rectèque  
secundum Rationem Naturalem sive  
legem Naturæ à Deo hominum Cor-*

dibus animisque inditam & insculptam, illis ipsis tribuerentur. Et hæc quidem fortassis, ut scripta & comprobata sunt, Ecclesiasticis suffecerint, aut non ita oppugnabunt, aut prætereà hanc meam, quam sub hoc Titulo defendi sententiam non ab omni parte veram esse ex eo probare conabuntur: quod etiam si concedatur, quòd Ecclesiasticis nulla divini Juris Privilegia Ratione Naturali debeantur, proptereà quòd in statu Naturali à singulis hominibus in homines singulos; Et in Civili statu à Prodiis in se & in Cives, provenire deberent: non esse tamen per omnia sive ab omni parte ipsa hæc Privilegia Juris humani. Evenire etenim, & fieri posse, & reverà Evenire & quotidie fieri, ut nonnullas partes, quas ipsa Ratio Naturalis huic *Ministerio* maximè necessarias esse doceat, & sine quibus usu quotidiano Ecclesiastici erudiuntur,

itur, hoc *Ministerium* à se procura-  
ri non posse, à Prodiis denegen-  
tur. Ut dicendum sit, Rationem  
Naturalem in voluntate Prodeco-  
rum supplere, quæ partes neces-  
sariæ huic *Ministerio* desint. Sed  
hoc argumentum facili negotio  
subverti potest, & vel indignum  
longâ refutatione existimabitur,  
si ea, quæ ex eo inepta & absurda  
sequuntur, breviter collecta enar-  
ravero, & Lectoribus antè ocu-  
los posuero.

Quid enim hominum animis i-  
neptius, & quid auribus absurdus  
cogitari aut dici potest, quam  
quod illud argumentum conti-  
neat, quovè pertineat. Ut nimi-  
rum hoc sit Jus Prodeorum, &  
in eorum solum Potestate posi-  
tum, ut *Ministerium* hoc publi-  
cum constituent, & non consti-  
tuant, sed si constituent, in con-  
stituendo his ipsis non licere, eum  
modum ponere, & eos fines dare  
huic *Ministerio*, quem, quosque ve-

H 4

lint:



lint: hoc est, majus minusve Jus  
 & Potestatem tribuere illis Civi-  
 bus, quos aliis, ut hoc *Ministe-*  
*rium* ipsorum loco procurent,  
 præficiunt, sed infinitum Jus &  
 Potestatem tributum esse intelli-  
 gi. Quasi *Ministerium* hoc *Ecclesia-*  
*sticum* à cæteris *Ministeriis publicis*  
 in hoc differat, quòd quidem, &  
 tantum nudo nomine, sed reverà  
*Ministerium* non sit. Hoc est, Jus  
 & Potestas, quidvis pro arbitrio  
 voluntatis faciendi, (quod tamen  
 Prodeorum tantum est) sed non  
 aliquid certi, idque certo modo,  
 tempore loco, & sic deinceps, fa-  
 ciendi. Quæ omnia & omnibus  
*Ministeriis* conveniunt, & ut ne-  
 cessariæ solum partes omnia *Mini-*  
*steria* constituunt. Unde si qui *Mi-*  
*nistri* secundum hujusmodi *leges*  
 Juris & Potestatis sibi & *Ministe-*  
*riis* suis à Prodiis concessas & da-  
 tas, *Ministeria* procuraverint, ea  
 rectè procurasse, & in procuran-  
 do bononim Civium officio functi  
 dicun-

licuntur. Et si contrà hujusmodi  
leges, vel præter eas quid fecerint,  
non Prodeorum loco *Ministeria*  
procurasse, sed debitam Prodiis  
idem & obedientiam non præsti-  
sisse, se se aliis Civibus suo & pro-  
prio, hoc est, nullo Jure præfi-  
ciendo. Quod Civium non est,  
& *Ministerium publicum* Prodeo-  
rum loco, Jure & jussu procuran-  
tium, sed salutis & quietis publi-  
cæ hostium & inimicorum.

Deinde hoc argumento & illud  
continetur: Prodeorum non esse  
de omnibus rebus liberum &  
summum arbitrando & constitu-  
endi Jus & Potestatem, sed in  
nonnullis rebus, & quidem, qua-  
rum etiam ipsi auctores soli sunt,  
arbitrando & constituendi Jus &  
Potestatem Civibus in Statu Ci-  
vili relictum esse, & deberi. Nam  
alioquin Ecclesiasticis Civibus  
etiam non liceret eas esse huic *Mi-*  
*nisterio* necessarias partes arbitra-  
ri: si non necessarias Prodiis eas

H 5 arbi-

arbitrati sint, & postea quoque arbitrentur: & proinde nunquam adjungant & suppleant.

Postremo, vel ab omni veritatis specie abhorret: Possit *Ministerium* aliquod à Prodiis constitui, & Jure *Ministerii* cenferi, cui constituto unà vel plures postea partes desint, sine quâ quibusve illud procurari non posset: hoc est, *Ministerium* esse, & simul non esse. Quod ut melius intelligatur, & nonnihil novi prædictis adjiciatur, ita distinguendum videtur. Fieri quidem posse, ut *Ministerio* alicui publico aliquid, tanquam pars ejus & quidem ei necessaria desit, ut illud vel hoc vel illo modo, tempore, loco, & sic deinceps, procuretur. Sed propterea non est ea pars omnino, & generalitèr necessaria: Quoniam hoc casu tantum, si Prodii Jus & Potestatem Ecclesiasticis tributum non augeant, & supplementum non addant, indicio est, nolle Pro-

Prodeos, ut Ecclesiastici eam rem  
obteneant, quæ hoc *Ministerium*  
hoc vel illo modo, tempore, lo-  
, & sic deinceps, procurando  
obtineri posset. Sed nihilominus  
idem, & tale manet *Ministerium*,  
uale ab initio constitutum est, &  
præstituto modo, loco, tempo-  
re, & sic deinceps, procurari po-  
est. Quemadmodum eadem ra-  
tione indicio esset, nolle Prodeos  
*Ministerium* eâ cum utilitate Ci-  
vium amplius procurari, quâ fortè  
procurari posset, si utilem fortè illi  
partem scientes negarent: aut si  
sufficientes mutari *Ministerii* condi-  
tionem nollent, quamvis pristinis  
legibus *Ministerio* datis, & muta-  
tione lapsuque temporum & mo-  
rum jam non ità utilibus, atque  
illæ jam olim fuerunt, *Ministe-*  
*rium* etiam non ita utiliter procu-  
raretur. Quanquam harum rerum  
nihil ad Civium agnitionem aut  
arbitrium pertineat. Adeò, ut &  
Prodiis semper, & ab omni parte  
inte-

integrum & salvum Jus & Potestas servari & manere debeat; E hinc etiam Ecclesiastici Prodece hujusmodi omnium Privilegio rum auctores agnoscant.

TIT. VIII.

Nulla etiam divini Juris Privilegia Ecclesiasticis hominibus ex Voluntate Dei extraordinem & præter Rationem naturalem Patefactâ deberi, quæ illis Jure rectè que tribuantur.

**S**uper est, ut post duo superiora divinorum Privilegiorum genera explicata & pertractata, etiam hoc, quod tertium & ultimum genus divinorum Privilegiorum esse dixi, pertractem. Nimirum, *An ulla divini Juris Privilegia Ecclesiasticis hominibus ex voluntate Dei fortè extrà ordinem, & præter Rationem Naturalem pate-*

s & Patefactâ debeantur, quæ illis Iure re-  
beant. eque tribuantur. Quod ut Expli-  
Proditius agam, illud præmittendum  
Privileg. et, non de illis me divinæ Volun-  
tatis Patefactionibus verba factu-  
rum, de quibus aut mentiones in  
Sacris Codicibus fiunt, aut integri  
Libri in iisdem conscripti repe-  
riuntur. Si quidem de illis locus  
disputandi fuerit sub Tit. VII.  
num de primo genere Divinorum  
Privilegiorum agerem. Sed de e-  
iusmodi divinis divinæ Volunta-  
tis Patefactionibus, quæ nostris  
nonnunquam temporibus, singu-  
lis hominibus contingere dicun-  
tur. Quas ut posse contingere non  
negem (posse enim Deum omnia  
& quidvis illi facere licere, mani-  
festum est) sed doceam, quemad-  
modum factas oporteat, ut ulla  
ex iis sive ob eas Ecclesiasticis Pri-  
vilegia debeantur, & Jure rectè  
que tribuantur, illas ita definien-  
das censeo. *Ut sint Patefactiones à*  
*Deo quibusdam hominibus extrà or-*  
*dinem*

*dinem & præter Rationem Naturalem facta, & insuper iubente, ut ea aliis hominibus annuntient. Et quidem operæ præterium non est, ut multis explicem, quid nam his verbis: extra ordinem & præter Rationem Naturalem, intellectum velim. Cum ex iis, quæ prolixiori oratione superius non uno in loco disputata sunt, satis superque intelligere liceat, extrâ ordinem Divinam Dei Voluntatem patefieri, idem esse, quod præter Rationem Naturalem, & vice versâ: Quoniam Naturalis Ratio Dei vice Divinam nobis Voluntatem solito modo patefaciat. Adeò ut utrumque explicatioris tantum intellectus gratiâ scriptum sit. Sed plus operæ in hoc ponendum est, ut rectè percipiatur, quamobrem in definitione hæc verba adjecerim. Et insuper iubente. Quorsum enim Iussus, inquit? Et an sola divinæ Voluntatis Patefactio non sufficit, ut quis annuntiandi Privile-*

Privilegio utatur? Equidem & *Ius*  
insuper necessarium puto, &  
cum sit res perceptu facillima,  
paucis rationibus & argumentis  
certam meæ sententiæ veritatem  
ostendam. Nam si cui Voluntatis  
Divinæ Patefactio modo insolito  
facta sit, nullo insuper *Iussu* inter-  
veniente, vel accedente, ut eam  
alio annunciet: is quidem rectè  
dici potest, scientiâ istius Volun-  
tatis divinæ à Deo cæteris homi-  
nibus, quibus ejusdem eo modo  
Voluntatis Patefactio non conti-  
git, ante positus, & huic illi post-  
positi esse: Quod Deus illos eâ sin-  
gulari gratiâ & favore dignatus  
non sit: Sed nullo modo nullaque  
ratione dici potest, eam Volunta-  
tem annuntiandi Jure sive Privi-  
legio indè vel ob id præditus esse:  
præsertim, si invitis Prodiis eam  
annunciaret. Et quidem non ma-  
gis aliquo Jure Privilegioque est  
præditus, quam alii aliquo Jure  
Privilegioque ob id præditi es-  
sent,



sent, qui eam Voluntatem ab eo  
 eam palam annuntiante vel priva-  
 tim narrante cognovissent. Nisi  
 quis fortè modo cognoscendi eam  
 Dei voluntatem, quod ille eam  
 ab ipso Deo patefaciente, hi ab  
 homine eam patefactam annun-  
 tiantem vel narrante cognoverint,  
 omnem Juris & Privilegii ratio-  
 nem adscribat, atque tribuat.  
 Quod à rectâ Ratione nimium re-  
 cedit, eaque ab omni parte desti-  
 tuitur. Nam nulla scientia, nulla  
 cognitio alicujus rei, quamvis hæc  
 vel illa alicujus sola sit, scienti &  
 cognoscenti Juris aliquid aut Po-  
 testatis in alios confert, aliisque  
 præponit: sed hoc tantum facit,  
 ut sit aptior magisque idoneus  
 quicquam ea duce & magistrâ  
 peragendi: si modo peragere li-  
 ceat. Adeò ut nuda scientia aut  
 nuda cognitio, hoc est, Privile-  
 gio eâ invitis Prodiis utendi non  
 munita, scienti & cognoscen-  
 ti nullo modo Privilegium tri-  
 buat,



mum quidem argumentum hoc esto. De ejusmodi rebus Divinæ Voluntatis *Patefactiones* esse posse, quæ non ad eum modo, cui eæ contigerunt, verum etiam ad alios homines pertineant: veluti de æternâ hominum salute. Ut aliorum non minus, quam illius eas scire & cognoscere interfit. Et propterea à fraternæ charitatis & amoris, aliis hominibus debitæ necessitate quis compellatur, quamvis *Iussu* Patefactionibus non insuper addito, res adeò scitu cognituque necessarias aliis hominibus annunciare. Sed hoc argumentum nullius momenti esse ab omnibus, ut confido, censebitur, qui in memoriam paulisper revocare velint, quæ superius à me disputata & aliquoties repetita sunt, de omni & summa Prodeorum in omnes & singulos Cives Jure & Potestate. Nam confestim mihi in hoc consentient, unum quemque quantum ad

ad necessitatem sciendi & cognoscendi attinet, sibi tantum & non aliis eam dijudicare licere: quæ divina *libertas est Religionis in-ternæ*, & hominis Deum Opt. Max. *ex animi solius sententiâ* contentis: & inquam quemque Prodiis nihil Iuris aut Potestatis transferri potest, aut competit. Sed quatenus ea earum rerum scientia & cognitio etiam aliis hominibus adeo esset necessaria, ut eas illis annuntiari oporteret; cum *Corporis* & non *Animæ* solius usus intercedat, & vel *Corporis*, tantum cum ore scriptove annuntiatio omnis peragi debeat, Proleorum tantum esse discernere & dijudicare, utrum annuntiari eas res nec ne, & suæ & suorum Civium saluti sit necessarium. Quod difficulter credendum est: cum utique in incerto erit, an Deus Opt. Max. res eas uni patefactas aliis etiam patefieri & annuntiari velit, quibus eas patefacere æquè

atque huic uni potuisset, si voluisset. Et quæ non insuper iusserit, ut aliis annunciarentur: Cum tamen Prodiï ipsius vice & loco Civibus imperantes, ut earum rerum & ejus Voluntatis ignari, annuntiationem omnem Jure sint prohibitori. Maximè, cum omni fide indignus videatur, qui incredibilia & Deo Opt. Max. indigna Civibus annuntiaturus sit; veluti novam aliquam de æternâ salute Doctrinam, eamque ut necessariam: sine quâ tamen omnes hæctenus Deo Opt. Max. viventes morientesque confisi ad æternam salutem pervenerint, aut pervenisse credantur. Quemadmodum & hæc Doctrina superiori ad huc multò magis esset incredibilis Decrevisse Deum Opt. Max. ex quo tempore quarumdam rerum alicui Patefactio facta est, neminem deinceps sinè earum scientiâ & cognitione, sed ea solum præditos ad æternam salutem perdu-

cere

ocere. Nam Voluntatis suæ incertum & sibi non constantem Deum Opt. Max. fingeret, qui suum tamèn Decretum de æterna salute hominibus largienda & donanda, ut æternum, & conditiones, quibus sit largiturus donaturusque ut sempiternas in sacris Codicibus patefecit. Et suprà dictis alia porrò & hæc nova de necessitate dubitandi ratio accedat: Quod vel idcirco aliqua sciendi & cognoscendi necessitas multò minus præsumenda sit, cum Deus Opt. Max. præterquam, quod Patefactionibus *Iussum* non adjecerit, prætereà quoque non patefecerit, earum rerum scientiam & cognitionem aliis necessariam esse. Adeò, ut quocunque modo res accipiatur, aut nulla sit confingenda necessitas, aut si qua sit (quæ tamen esse non potest, cum Deum Opt. Max. Voluntatis suæ sive Decræti poenitere non possit) ei soli earum rerum scientiam

fuisse videri necessariam, cui *Patefactiones* Contigerunt, & eâ de causa huic uni videri contigisse.

Porro, ut eadem opera non nihil de divinis *Patefactionibus* adhuc adjiciam, quod sæpius usu venit. Fingam *Patefactiones* à Deo de rebus ejusmodi alicui factas esse, quæ hætenus hominibus non latuerint, sed vel in sacris Codicibus commemoratæ reperiantur, vel alioquin Ratione Naturali sint manifestæ & cognitæ, quamvis homines fortè eas non faciant, cum sint faciendæ, aut faciant, cum non sint faciendæ. Verum quis hinc necessitatem diceret ei impositam, eas aliis annunciandi? Quis Jus cuiquam acquisitum, eas Prodiis etiam invitis annunciandi? Et tamèn omnis Ætas vidit, homines eâ male sana vel prava mente præditos, qui ex eo & necessitatem sibi impositam, & Jus invitis Prodiis annuntiationes earum rerum faciendi acquisitum, &

à Deo

à Deo sibi datum dixerint. Cum  
tamen omnes mecum, quibus  
sola Veritas omni privato honore  
& utilitate potior est, fatebun-  
tur: in his ipsis rebus à Deo ita cui-  
quam patefactis utilitatem qui-  
dem esse posse, vel fortè necessi-  
tatem, ut homines eas res docean-  
tur, sed necessitatem nullam ei  
impositam, cui Patefactiones ea-  
rum rerū contigerunt, ut sine *Iussu*  
Dei patefacientis, & quidem invi-  
tis Prodiis ad docendum eas acce-  
dat. Cum è contrario idem Deus  
Opt. Max. & in sacris Codicibus  
jusserit, & quotidie per *Rationem*  
*Naturalem* quemvis jubeat, ut  
Prodeorum voluntati & imperio  
Cives in omnibus & per omnia  
pareant, & obtemperent; Et iis  
invis nihil quicquam commit-  
tant. Quorum tamen *Permissu* solo  
(sive tacita sive manifesta volun-  
tate permittant, nihil refert) nec  
aliter Civibus quidquam Juris ac-  
quiritur, aut acquiri potest, Di-



vinas Patefactiones aliis Civibus  
annunciandi.

Apparet igitur, ut quis Jure  
*Patefactiones* qualescunque Divi-  
nas aliis annunciet, *Iussum* Dei  
Patefactionibus accedentem om-  
ninò esse necessarium. Alio-  
quin Prodeorum arbitrio totam  
rem committendam esse, ut an-  
nuntiationes fieri vel concedant,  
vel prohibeant. *Iussum* autem Dei  
patefacientis, non modo verum  
desidero, sed de quo Prodiis li-  
quidò constare possit. Nec distin-  
guo, sive idem Deus & Prodiis  
patefaciat, ut concedant, sive a-  
lio quocunque modo Divinæ Vo-  
luntatis Prodiis scientes & certi-  
fiant. Nam si ipsis de Dei patefa-  
cientis *Iussu* non constaret, quam-  
vis etiam quis fortè annunciare  
jussus sit, Rationi Naturali sive  
Deo per eam imperanti nihil ad-  
versi committerent sed etiam pie  
rectèque annuntiationes prohi-  
berent. Quando quidem Dei *Ius-*  
*sus*

Jussum quidem obliget ad annuncian-  
dum, sed nullo modo in-  
cessos Prodeos, ut annuntiationes  
ferri patiantur. Nam quantum ad  
Prodeos Jussum Dei patefacientis  
ignorantes attinet, etiam *verum*  
Jussum pro *ficto & falso* habendum  
esse palam est.

Sed quid si Prodiis de Volun-  
tate Dei cum patefacientis, tum  
insuper Jubentis, quocunque mo-  
do constiterit, & tamen ipsi jussi  
non sint rei rerumque patefacta-  
rum annuntiationes non prohi-  
bere: an distinguendum erit? Et  
ergo quidem distinguendum non  
puto, sive ipsi jussi sint, sive alio  
quocunque modo divinæ Volun-  
tatis certiores facti sint. Ut idem  
hic dicendum sit, quod de tacitâ  
& manifesta voluntate Prodeo-  
rum disputavi; In quâ utraque ni-  
hil esse constituendum discrimi-  
nis ex eo quavis re clara & mani-  
festa est evidentius, quod omnis  
*obedientia* in eo consistat, quod

voluntati vel Dei vel Prodeorum obsequamur. Et Divinæ quidem voluntati non satisfieri à Prodiis palam est, si annunciations scientes prohiberent, quas tamen fieri voluisse Deus Opt. Max. jubendo demonstraverit.

Ne autem hæc disputatio mea in fraudem meæ, sententiæ quæ eò pertinet, ut per me & Dei Opt. Max. Jus in Prodeos, & Prodeorum in Cives factum, tectumque conservetur à quoquam ita accipiatur, quasi solus Dei *Iussus* & is quidem Prodiis cognitus sufficiat, ut *Iussus* ab omni parte Prodeorum Juri & Potestati sit subductus, & sui Juris & Potestatis factus infinitam sibi arroget annuntiandi licentiam. Notandum est, & negari non poterit, Uti Deus jubere voluit, & propterea jusserit, si *modum* annunciandi *Iussui* adjecisset, Jus annunciandi *modum* Dei *Iussui* adjicientis non excessurum cum eo Voluntas Jus annuntiandi

Jussu

Iusso tribuens, terminaretur: Et  
quod proinde, id omne à Dei Volunta-  
te non procederet, quod & qua-  
sibi tenus eum *modum* excedat. Quam-  
vis si *modum* non adjecerit,  
sui *modus* in annuñciando servan-  
dus sit, non *Iussi* sed *Prodeorum*  
arbitrio decernendum à Deo re-  
sultum esse intelligitur: Cum eo  
Prodeorum Jus & Potestatem  
non imminuerit, aut dici possit  
imminuere voluisse. Quod tamen  
si forte aliquando rationes  
dubitandi non desint, Iustus sibi  
proli, & non pro Civibus, & mul-  
tò minus Prodiis, sine alio & no-  
bilitate Dei Privilegio, judicare lice-  
ret. Cum Prodiis idem Jus hunc  
*Iustum* divinum interpretandi  
competeret, quod illis in utrisque  
sacris Codicibus interpretandis  
competere, alio loco comproba-  
vi. Et propterea eadem distin-  
ctiones & hic locum haberent,  
quas de Prodiis, & qui Deum esse  
credunt, & qui non credunt, eo-  
dem loco confeci. Et

Et sic ex iis, quæ hæcenus di-  
 putavi, manifestum esse arbitror  
 quales esse divinas *Patefactione*  
 oporteat, ut alicui Juris aliquid &  
 Privilegii ex iis acquiratur. Sed u-  
 evidentius appareat, quam diffi-  
 culter cuiquam Juris quicquam  
 acquiri possit, & *Iussus* necessita-  
 tem, & quod Prodiis innotescere  
 debeat, considerari oportet. E-  
 quidem in *Patefactionibus* sæpe  
 numero *Iussus* Dei desiderabitur  
 Multi enim ab omni *Ævo* homi-  
 nes extiterunt, *Patefactiones* re-  
 rum scitu necessariorum, vel futu-  
 rararum sibi quidem factas esse  
 gloriantes, sed pauci, qui se insu-  
 per *Iussus* dixerint, eas *Patefa-*  
*ctiones* annunciare. Et si *Iussu*  
 fortè *Patefactionibus* accedat, quo  
 modo quæso, de Veritate *Iussus*  
 Prodiis liquidò constare poterit,  
 si oculos & mentis aciem in varia  
 tempora, quæ post Christum na-  
 tum & nos intercesserunt & va-  
 rias Ecclesiasticorum sectas, di-  
 ver-

erfissima & contraria sentientes  
& docentes, converterint. Et  
maximè, si ipsorum de Deo & re-  
bus divinis sententia, quamque  
per Ecclesiasticos *Ministros*. Cives  
locere voluerint, rebus illis, quæ  
patefactæ dicuntur, omni modo  
adversetur. Ut alias quam pluri-  
mas difficultatis causas & rationes  
prætermittam, quæ ferè impossi-  
bilem *Iussus* cognitionem sint fa-  
cturæ, nisi prætereà Deus Opt.  
Max. & Prodiis jubeat, earum re-  
rum annuntiationes pati, quas  
ipsis ignorantibus quem annun-  
ciare jusserit.

Planè quamvis ità difficultèr  
cuiquam Iuris aliquid divini Pro-  
diis invitis acquiri possit, ut ferè  
nunquam cuiquam acquisitum di-  
ci, aut usui esse possit: nullo proin-  
de modo, multoque minus per-  
spicere possim, quo pacto ex di-  
vinis hujusmodi *Patefactionibus* a-  
liquid Divini Iuris & Privilegii  
Ecclesiasticis omnibus, sive eo-  
rum

rum universo Ordini acquiri poteret. Cum *Iussus* illi Divini Universi vel Quibusdam tantum hominibus contingerent, & cui quibusvis proinde solis Iuris & Privilegii divini aliquid acquisitum esset. Et nulli ferè ulla ætate homines extiterint, qui cum Patefactione sibi factas dixerint, *Iussum* etiam iis adjectum dixerint, aut si forte adjectum dixerint, eum etiam ad alios, quam ad se solos pertinere voluerint. Quanquam, si pertinere dicerent, eadem difficultas *Iussum* cognoscendi impediret, quominus *Iussum* jure recteque exsequerentur. Illud autem Homines Prudentiores semper observarunt; Quoniam Ius hoc privatum, & non ad universum Ecclesiasticorum *Ordinem* pertinere dixerint, hujusmodi hominibus nullos magis infensos & adversos hostes contigisse, quam ipsos Ecclesiasticos, qui se minoris fieri à Deo nullo modo aut videri voluerint, aut

ut etiam nunc patientur. Quamobrem demum ita Rem definire licet: *Nulla etiam divini Juris Privilegia Ecclesiasticis hominibus ex Voluntate Dei Extrà ordinem, & præter Rationem Naturalem patefacta leberi, quæ illis Iure recteque triumantur.*

TIT. IX.

De Privilegiis humani Juris in genere. Et speciatim, quod nulla Privilegia cujuscunque Juris Extranei, tam antiqui, quam novi, ad Ecclesiasticos pertineant.

**H**Actenus de Divini Juris Privilegiis, eorumque tribus summis generibus, ad quæ quodcunque Privilegium *Divini Juris* vocari possit aptè revocari posse videtur, latissimè disputavi. Quamobrem ordinis ratio postulat, ut etiam de *humani Juris* Privilegiis



giis videatur. Quæ quo attentius confidero, eo magis inducor, ut credam, mihi que persuadeam, quam aptissimè ea ad hæc tria summa genera, quæcunque Juris extranei dici possint, reduci posse. Nimirum; *Ute a Iuris extranei, vel antiqui, vel novi esse debeant. Deinde; Vel ex pactis & Conditionibus fæderum ab Extraneis Prodiis cum ipsorum Prodiis initorum descendere. Postremò; Vel ex Usu & Consuetudine contrario, tam suorum, quam Extraneorum, veterum & recentium Prodeorum Provenire.*

Quod autem, nulla ex tribus his summis generibus Privilegia, hoc est, nulla omninò Iuris humani & Extranei ad Ecclesiasticos pertinere possint, deinceps docturus, singula genera singulis tractanda Titulis destinavi. Et quidem Primum genus Privilegiorum humani & extranei Iuris hoc Titulo explicabo, & palam planumque faciam, rectæ Rationi &

Juri

Juri convenienter me contende-  
re. Nulla omnino Privilegia cujus-  
cunque Juris extranei, tam antiqui,  
quam novi, ad Ecclesiasticos pertinere.

Quod ut breviter & liquidò  
inquit initio notandum est, quod ap-  
pellatione *Juris extranei*, illud o-  
mnino Jus intelligo, quod ab aliis,  
quam à suis Prodiis Provenit, a-  
liosque quam suos ipsorum Pro-  
dios auctores habet. Quamobrem  
certum dicendum, est, omnia ist-  
iusmodi Juris extranei Privilegia ejus-  
dem originis & conditionis esse, ut à  
suis auctoribus & extraneis Pro-  
diis quibusdam ex ipsorum Civi-  
tatis, ut cæteris in suâ ipsorum Ci-  
vitate superiores vel præpositi es-  
sent, data tantum & concessa sint:  
non autem *extraneis*, hoc est, alte-  
rius sive extraneæ Civitatis Civi-  
tatis, ut cæteris ejusdem extraneæ  
Civitatis Civibus superiores vel  
præpositi essent. Cujusmodi ta-  
men omnia extranei Juris Privile-  
gia esse debeant, si ad alterius Ci-

K

vita-

vitatis Cives Ecclesiasticos perti-  
 nerent, & ipsis Iure deberentur.  
 Quapropter, ut etiam ostendam,  
 quod nulla ejusmodi *Iuris extra-*  
*nei* Privilegia sint, aut esse pos-  
 sint, breviter nonnulla hoc loco  
 erunt repetenda, quæ initio hu-  
 jus Libri fusius disputavi, ut de  
 eo amplius nulli liceat dubitare.  
 Et primò; quod nulla *Inæqualitas*  
 hominum, præterquam in solo  
 statu Civili oriri possit, & cæteros  
 omnes ut in Statu Naturali, ita  
 Æquales inter se esse, & manere.  
 Et hinc etiam alterius Civitatis  
 Prodeos, si cum alterius Civitatis  
 Civibus comparentur, hos, illis  
 quamvis Prodiis, æquales esse  
 sicuti etiam *Diversarum Civita-*  
*tum* Prodiis inter se æquales sunt  
 cum utroque casu, nullâ Civitatis  
 communione intercedente, o-  
 mnes ut in statu Naturali Consti-  
 tutos haberi & considerari oportet.  
 Quemadmodum etiam reve-  
 rã adhuc in statu Naturali manent

con

constituti, qui per Civitatis u-  
nius constitutionem statum Na-  
turalem in Civilem non commu-  
taverint, aut licet diversarum  
Civitatum Cives sint, alii tamen  
ad aliorum jam constitutam Ci-  
vitatem, statumque Civilem non  
transierint, & unius Civitatis par-  
tes sint effecti: Cui rei conse-  
quens est, cum in Statu naturali  
& *Aequalitatis* nihil Juris aut Po-  
testatis alii in alium competat,  
aut competere possit, nec alte-  
rius Civitatis Prodeos nostræ Ci-  
vitatibus Civibus Privilegia, & vice  
versa, nec nostræ Civitatis Pro-  
deos alterius Civitatis Civibus  
Privilegia, dare aut concedere  
posse. Nam cum nostræ Civitatis  
Cives in alterius Civitatis Pro-  
deos nihil Juris aut Potestatis Na-  
turalis transfulerint, & ne trans-  
ferre quidem, jam antè in nostros  
Prodeos omni Jure & Potestate  
per manifestam vel tacitam vo-  
luntatem translato, possint, nihil

K 2 Juris

Juris aut Potestatis illis competit, ut alios Cives alius & cæteris præponant, vel alios & cæteros alii quibusdam Civibus supponant. In quibus tamen rebus omnis Privilegiorum ratio & vis consistunt. Quapropter, si fieri per rerum naturam posset, ut alterius Civitatis Prodiis nostris Civibus aliqua, qualiacunque Privilegia darent & concederent, & ea Jure rectèque dari & concedi dicerentur, & simul hoc dicamus necesse est, illos Prodeos etiam nostræ Civitatis Prodeos esse, nobisque omnibus præ esse: nostros autem quos vocamus Prodeos, ita falsò vocari, neque Prodeos esse, sed illorum Prodeorum ministros, qui eorum jussu & auctoritate nostraque omnia procurant, & administrant.

His autem, quæ ita à me disputata sunt, nullo modo adversatur, quod quidem objici, quamvis nullâ ratione, posset? Quod in omnibus

bus

bus vel plerisque Civitatibus &  
Rebus publicis Christianis usu  
veniat, quod antiquum Pop. Ro.  
Jus, itemque quod Canonicum  
sive Pontificium appellatur, &  
nonnunquam etiam aliarum Ci-  
vitatum, sive Populorum, tam  
antiquorum quam recentium Iura  
& Consuetudines utiliter allegen-  
tur, & huic usui sint, ut vel ea-  
dem, quæ in illis Civitatibus Pri-  
vilegia data & concessa fuerint,  
vel ad exemplum eorum similia &  
æqualia sibi Cives Iure rectèque  
tribuant, eorumque beneficio a-  
liis se Civibus præponant. Et quod  
idem Civibus Ecclesiasticis liceat,  
aut licere debeat. Nam isthæc Iu-  
ra & Consuetudines non quate-  
nus aliarum Civitatum sunt, sed  
ut manifesta, si isthæc jusserint  
observari, aut ut tacita præcepta,  
si illis uti Civibus Prodi non ve-  
tent, sed uti etiam patiantur, ad  
Cives nostros pertinent, & obli-  
gant. Et proinde desinunt extra-

K 3

nea

nea Iura & Consuetudines esse, simul atque vel manifesto vel tacito nostrorum Prodeorum jussu vel consensu à nobis sunt recepta. Et nihil pristinae conditionis retinent, quam quod dici: possint olim aliarum Civitatum Jura & Consuetudines fuisse: & è contrario, ejus conditionis fiunt, cujus illa Jura sunt, quæ ad exemplum jurium extraneorum à Prodiis nostris sunt constituta, & illæ Consuetudines, quibus omninò consimiles in nostrâ Civitate usu introduci Prodiis nostri passi sunt. Quamobrem, cum eodem Jure & ordine haberi debeant atque alia Prodeorum nostrorum Jura, quæ primitus à nostris Prodiis sunt constituta, aliæque Consuetudines, quæ primitus eorum patientia sive tacito consensu sunt introductæ, super vacuo labore contenderim, cum eorum voluntate, sicuti cætera quoque Jura & Consuetudines ambulatoria esse:

Et

Et proinde *nulla ex illis Privilegia, ut ex Extraneis, sed solum ex Proleorum nostrorum Voluntate ad Ecclesiasticos pertinere.*

TIT. X.

Nulla etiam Extranei Juris Privilegia ex Pactis & Conditionibus fœderum ab Extraneis Prodiis cum ipsorum Prodiis initorum ad Ecclesiasticos pertinere posse.

Secundum genus Privilegiorum Extranei Juris, si quæ ad Ecclesiasticos pertinerent, *ex Pactis & Conditionibus fœderum ab Extraneis Prodiis cum ipsorum Prodiis initorum descendere deberet. Quod autem neque ex hujusmodi Pactis & Conditionibus ulla ad eos Privilegia pertineant, quæ Juris Extranei esse dici possint, perse erit*

K 4 mani-



manifestum, si comprobavero, vel ipsam omnis sive cujuscunque Reip. sive Civitatis rationem & naturam non pati, ut quæpiam extranei Juris Privilegia, ad alterius Civitatis Cives, tanquam extranea pertineant. Non quod Cives alterius Civitatis extranei Juris Privilegiorum sint incapaces, sed quia Extraneis Prodiis Jus & Potestas desint, aliis Civibus, quam suis, Privilegia quæliacunque concedendi. Quibus si idem Jus & Potestas adessent, quorum solâ vi omnis & cujuscunque Civitatis Civibus Privilegia dari & concedi possint, ut ea extranei Prodiis dare & concedere possent, ita etiam eorum capaces alterius Civitatis Cives essent. Verum hæc vel sui naturâ, & per se adeò sunt manifesta, & omnium judicio cognitu & judicatu facilia, ut supervacuo opere & labore amplius confirmarentur. Illud itaque videndum erit, quam-

quamobrem Prodi non aliis Ci-  
vibus quam suis, & consequenter  
non alterius Civitatis Civibus  
Privilegia dare & concedere pos-  
sunt. Quæ res facilis operæ est, ut  
etiam manifestò doceatur. Re-  
tenda, enim tantum sunt ea,  
quæ superius aliquoties à me tra-  
ctata locum hîc denuo habere &  
tractari postulant. Nimirum om-  
nes homines naturâ sive Jure  
Naturali æquales esse, & hanc esse  
eius naturam & naturam ejus *Æqualitatis*,  
ut ab æqualibus in æquales nihil  
Juris transferri possit: Et quidem  
non *Extranei*, quia nondum ha-  
bent Juris: alioquin jam tum inæqua-  
les esse eos, & superiores aliis o-  
porteret: Neque *sui*, quia ejus  
translatione aliis inæquales & in-  
feriores efficerentur. Quo casu ab  
inæqualibus & inferioribus in i-  
næquales & superiores, non au-  
tem ab æqualibus in æquales quic-  
quam Juris transfret: quia æqua-  
les utrinque non manserint. Et in-

dè omnem Inæqualitatem in Statu Civili oriri, quod omnis Juri & Potestatis naturalis in Prodeorum translatione factâ, homines se ipsos Cives, & Prodeos se ipsis superiores fecerint. Notandum etiam est, & eam hujus translationis vim & naturam esse, ut quando Cives sive in Statu Civili maneant, & hostes cæterorum Civium & Prodeorum esse, vel fieri nolint, quod translatum Ius & Potestatem alio modo recuperare nequeant, nisi ab iis, qui utrumque possident, & iis quidem tacitâ, vel manifestâ voluntate restituentibus. Qui si uni vel pluribus Civibus quicquam Juris translationis Potestatisque rursus largiantur, & quatenus largiantur, cæterorum etiam num Civium Iure & Potestate retento, id ejus eorumve privilegium est, & quidem majus minusve, prout plus minusve Juris & Potestatis pristini Prodiu sint largiti. Nam omne Ius & Potesta-

estatem quibusdam vel omnibus  
Civibus restituendo, illo casu  
nonnullos Civitati eximerent, &  
ad Statum Naturalem reduce-  
rent, hoc vero universam Civi-  
tatem tollerent, & omnes tam  
Dives, quam Prodi ad pristinum  
ive Naturalem statum reverten-  
turi: Et rursus omnes inter se  
aequales fierent, omni scilicet In-  
aequalitate cum interitu Civita-  
tis sublata.

Apparet igitur, ab extraneis  
Prodiis in alterius Civitatis Cives  
nihil Iuris transferri posse. Pri-  
mo; quia transferre & transferen-  
do restituere non possunt, quod  
nunquam habuerunt. Deinde:  
quia in statu naturali sunt, uti  
duarum Civitatum Prodi & Ci-  
ves, ita etiam extranei Prodi &  
alterius Civitatis Cives: cum in-  
ter hos omnes nulla Iuris & Pote-  
statis Naturalis mutatio facta sit,  
nec promiserint eo eade in se in-  
vicem non uti, & proinde, nihil  
hinc

hinc indè Iuris & Potestatis in alios dici possit transiisse. Postremo: quia omnis alterius Civitatis Prodeorum Iuris & Potestatis translatio extraneis Civibus facta si quid Iuris & Potestatis extraneis Civibus acquiri posset id ipsis non in suos, sed in alterius Civitatis Cives competeret: quorum Iuris & Potestatis translatio ipsis facta est. Quo pacto cæteris tamen suis Civibus, quia & quando ipsi Cives manent, æquales etiam, & suis etiam Prodiis inferiores manerent. Nec aliter res se haberet, si uni pluribusve nostræ Civitatis Civi Civibusve omne alterius Civitatis Ius & Potestas transferrentur, & Prodeus Prodiive fieret, fierentve. Nam adhuc suis Civibus æquales, & suis Prodiis inferiores manerent: quoniam omnem & integrum omnium virium suarum usum, quem suis Prodiis jure Civitatis sive status Civilis debent, nundum illis

illis invitis tanquam hostes rece-  
perint, aut à volentibus Prodiis  
recuperaverint: Et proindè ad-  
huc obligati sunt ac maneant,  
quantum animi corporisve viri-  
tibus possint, Prodiis suis hoc ju-  
ventibus illis quondam alterius  
Civitatis Civibus ex eorum arbi-  
trio imperare, & eorum omnium  
vi & potestate uti tam ad con-  
servationem, quam ad commo-  
da suæ Civitatis sivè Reip. procu-  
randa. Ità ut nostri Cives ità alte-  
rius Civitatis Civium Iure & Po-  
testate donati, non aliter aliove  
modo sint habendi, aut accipien-  
di, nec hæc res universa alitèr in-  
terpretanda, quam quòd per eos  
nostri Prodii omne illorum Ci-  
vium Ius & Potestatem acquisie-  
rint; illosque Ex hac translatione  
hoc præcipui duntaxat retinuisse:  
quod Prodii nostri ipsorum, &  
nondum aliorum *Ministerio* u-  
tantur, in illâ jam non amplius  
Civitate, sed communis Civita-  
tis

tis parte administrandâ. Nam & ipsi Prodi nostri vetare, hoc est, prohibere potuerunt, ne se extraneæ Civitati præfici patere-  
 rentur, & ut derelinquant, postquam translatum Jus & Potestatem accipiendo præfecti sunt. Et quidem hujus translationis & Præfecturæ hanc vim esse ne quis cogitet, ut Jus aliquod ipsis adhæserit. Nam ne momento quidem temporis in eorum personis translatio integra aut in solidum constitit, quin per eos ad & in suos Prodeos integra & in solidum transferit. Cujus rei ratio hæc est: Quod ne momento quidem temporis Cives esse desierint, ut quidpiam ipsis acquiri potuerit, quod non simul & eodem tempore suis Prodiis fuerit acquisitum. Et modus quidem suis Prodiis acquirendi hic est: Quod in pristinâ voluntate perseverando, quâ, ut olim nihil Iuris & Potestatis sui sibi retinere, ita nec extranei acquirere volue-

Nam bluerint, quo quâ ve ipsi sibi u-  
are, terrentur, sed mente animoque  
nt, ac eis Prodiis acquirendi, & ut illi  
nt per eos ejus etiam usum acqui-  
nt, dicendi sint omne Jus & Po-  
estatem per se in suos Prodeos  
translatum agnovisse. Nam alia  
tione sentiente animoque agnoscentes &  
neque accipientes bonorum Civium of-  
ficio non fungerentur, semper a-  
quo Jure & potestate sivè viribus  
ti nolentium, verum etiam hoc  
omne Prodeorum arbitrio com-  
mittentium, & Existimantium  
omne ipso Iure translatum, nihil  
sibi, sed per se Prodiis acquisitum  
esse.

Quamobrem si alterius Civita-  
tis Prodi in fædere faciendo hanc  
conditionem nostris consentien-  
tibus Prodiis adjecerint, pacti-  
que sint, ut nostris Civibus Juris  
aliquid & Potestatis restituant,  
hoc est, ut suâ voluntate sive vo-  
lentes tale quid concedant: Pacif-  
si enim debent, ut nostri Prodi  
quid



quid faciant, ut eo facto licet facto, putâ tacitâ concessione, aliquid privi Juris nostris Civibus acquiratur; quia ipso Iure sive per se nihil facere, nihil transferre, nihil restituere possunt, secundum ea, quæ superius à me disputata sunt: Quis est, qui non videat, aut negare invita Ratione velit, pessimè & nullo modo extraneum hoc Ius, aut hæc extranei Juris Privilegia dici posse: quod quæve ab extraneis Prodiis ad nostros Cives pervenire, hoc est, extraneum Ius extraneive Juris Privilegia dici non possit possintve, nisi ab illis ut Ius & Privilegia aliqua conferre valentibus per nostros Prodeos tanquam eorum *Ministros* ad nostros Cives pervenerint. Quod Ratio Civitatis fieri non patitur. Nam & sic nihilominus hoc Ius & hæc Privilegia antè nostrorum Prodeorum fierent, illisque acquirerentur, quàm ad Cives pervenirent. Et proindè

proindè nostri Prodii hoc Ius ut  
suum, & hæc Privilegia ut sua,  
non autem tanquam extraneum  
Ius, extraneive Iuris Privilegia  
non nostris Civibus darent atque con-  
cederent. Sed cum hoc figmen-  
tum à rei Naturâ & veritate est  
alienius, quam ut aliquâ Ratione  
hoc docum habere debeat, meritò præ-  
mittam.

Cum itaque hæc Pacta foede-  
rum proprii pacti naturam non e-  
grediantur, ut nec egredi possint,  
& pacta tamen manere, eorum e-  
ssentiam hæc vis & potestas erunt, ut  
à *Æquitate Naturali* Prodii ea de-  
beant servare. Sed hoc modo ipsi  
Prodii neque suis Civibus sunt o-  
bligati ad hæc Pacta servanda;  
quæ cum his pacti non sunt: neque  
extraneis Prodiis, quæ ipsis ex iis  
Pactis nihil Iuris esset acquisitum,  
quod sibi pacti non sint, sed aliis &  
extraneis hominibus, quorum in-  
potestate non sunt, nec unâ cum  
illis in eodem Statu Civili, sive

L

Ci-

Civitate constituti: quo casu non-  
 nullarum Gentium Civili Jure a-  
 liis etiam, quam pasciscentibus o-  
 bligatio acquiritur: quæ Jure Na-  
 turali nulla est. Sunt igitur, si ita  
 voluisse, uti cum extraneis Prodiis  
 convenerunt, nostros Prodeos di-  
 camus, pacta quidem conventa hîc  
 aliqua (quæ ne essent quidem, si  
 verbis duntaxat paciscentibus usi  
 aliquid contrarii cogitassent, sive  
 voluissent, quam quæ verbis pacti  
 sunt atque convenerunt) sed quæ  
 à solâ Prodeorum voluntate de-  
 pendeant, an Civibus quippiam  
 Iuris secundum ea pacta dare &  
 concedere velint. Et sic re verâ ni-  
 hil aliud, quam nuda Prodeorum  
 nostrorum voluntas id faciendi,  
 dandi & concedendi, quod alii &  
 extranei Prodiis petierunt, ut suis  
 Civibus facerent, darent & con-  
 cederent. Nulla igitur sive Iuris si-  
 ve alia quæpiam vis Pactorum est  
 ejusmodi, quam quod incertam  
 vel vanam spem præbeant Iuris  
 quip-

quippiam consequendi; Cum hominum voluntas sit ambulatoria, & ut ab initio non velle, ita postquam voluerint, velle desinere possint. Quamobrem tandem licet concludere: *Nulla omnino extranei Iuris Privilegia ex Pactis & Conditionibus fœderum ab extraneis Prodiis cum ipsorum Prodiis initorum ad Ecclesiasticos pertinere posse.*

### TIT. XI.

Nulla etiam Privilegia ex Usu & Consuetudine contrario tam suorum, quam extraneorum, Veterum & Recentium Prodeorum ad Ecclesiasticos pertinere posse.

Supereft, ut de vi & potestate **U**sus & Consuetudinis contrarii, tam suorum, quam Extraneorum, Veterum & Recentium Prodeorum, an indè ulla ad Ecclesiasticos

L 2      fiasti-

fiasticos Privilegia pertinere pos-  
 sint, dispiciatur. Quod nullâ ratio-  
 ne modoque fieri posse, ut diluci-  
 dè doceam: initio nonnihil de si-  
 gnificatione verborum, quibus uti  
 placuit, dicendum videtur. Equi-  
 dem *Usus* nomine intelligo, si ta-  
 citâ voluntate Prodiis suis Eccle-  
 siasticis permiserint, Jure quodam  
 singulari uti, sive, quod idem est, si  
 Patientia Prodeorum aliquo sin-  
 gulari Iure usi sint, quo cæteris Ci-  
 vibus aut uti non licuit, aut quo &  
 cæteri Cives usi non sint. Eoque  
 singulari Iure Ecclesiastici jam uti  
*consueverint*. Ut non tantum *Usu*  
 istius Juris singularis, sed etiam  
 sæpe iterato, & proinde etiam u-  
 tendi *consuetudine* ab ipsis Prodiis  
 muniti videntur. Quamobrem  
 etiam Prodeorum hunc *Usum* &  
*Consuetudinem* appellavi, quòd in-  
 vitis Prodiis quippiam agendo ni-  
 hil Juris consequi queant; cum  
 hoc pacto ut hostes se se, non ut  
 Cives, gererent: Et ipsorum ob  
 id

id *Ufus & Consuetudo* nullius vis  
potestatis & momenti essent, nisi  
*consuetudo Prodeorum Usus* istum  
& *Consuetudinem* patiendi ac-  
cederet, & hi tali Ecclesiastico-  
rum *Ministerio* in externâ Civium  
Religione procurandâ uterentur,  
vel etiam uti consuevissent. Ne-  
que enim necessarium esse puto,  
denuò docere, quod aliquoties  
dougè latèque docui in omnium  
Civium actionibus, & omni eo-  
rum Iure & Potestate Prodeos a-  
podeò Iure Civitatis (prodivino,  
vel etiam divino dicere liceret)  
dominari, ut *quidvis* ipsis manife-  
stò tacitèq; volentibus, *nihil* autem  
ipsis invitis sivè manifestò tacite-  
que vetantibus agere facere, præ-  
sertim in alios Cives Civibus li-  
ceat.

Quibus ità præmissis, cum in-  
de luce clarius appareat, Prodeo-  
rum *Ufus & Consuetudinis* hujus-  
modi naturam & conditionem  
cæteris *Ufibus, Moribus & Con-*  
L 3                      fuctu-

suetudinibus cuiusque Reip. sivè  
 Civitatis esse proximam, & con-  
 similem; & consequentè nihil a-  
 liud quippiam, quam tacitæ con-  
 cessiones, iussiones, & voluntatis  
 suæ declarationes, quæ à legibus  
 duntaxat in hoc differunt, quod  
 non tacitè, sed voce vel scripto  
 Civibus manifestentur: nihil sub  
 hoc Titulo ad majorem sententiæ  
 nostræ confirmationem videtur  
 desiderari, quam si docuero: Ju-  
 ris quicquam Civibus ita non dari  
 & concedi, imò neque ità dari &  
 concedi posse, ut id à Prodiis Ju-  
 re revocari, repeti & recipi non  
 possit, si velint: & omnes eorum  
 manifestas tacitasque concessio-  
 nes, iussionesque cum eorum vo-  
 luntate, a quâ solum dependent,  
 & nullo alio Iure aut vi sunt, sub-  
 nixæ mutabiles & ambulatorias  
 esse. Quod cum toties à me di-  
 ctum sit, totidemque Rationibus  
 & argumentis comprobavero, ni-  
 mis otiosum esset, rem toties  
 tracta-

tractatam, denuò repetitam tractare : præsertim cum per se Cuiusvis sit manifesta, cui rectæ & sanæ Rationis usus, & eâ utendi consuetudo non defint.

Quamobrem etiam de vi & potestate *Usus & Consuetudinis* extraneæ, sive aliorum Veterum & Recentium Prodeorum nihil proderit multa proferre : Cum indè non aliter quidquam Juris & Potestatis Civibus acquiri possit, (nulla enim vis, nulla etiam potestas in alienâ Civitate *Usus & Consuetudinis* contrarii alterius Civitatis) quam tacitâ Voluntate, Patientiâ, *Usu & Consuetudine* suorum Prodeorum. Nam recentes Prodi, ut nec manifestò, ita nec tacitè *Juris* quicquam extraneis Civibus dare aut concedere possint. Et multò minus hoc Veteres Prodi possunt, quia amplius non existunt, & proinde, etiam si possent, vel propterea tamen dare & concedere non pos-

L 4 sent.



sent. Verū cum etiam de hac materia, quantum ad *Iura Extranea*, tam antiqua, quam nova attineat, dilucidā oratione sub Titulo IX. disputaverim, rei dictæ disputatæque repetitioni parcā: Cum ex his, quæ alibi aliquoties dicta, disputataque sunt, satis superque jam constare existimen: Nullam vim & potestatem contrarii Usus & consuetudinis esse tam nostrorum, & multò minus extraneorum, veterum & recentium Prodeorum: Et propterea, *nulla ex Usu & Consuetudine contrario ad Ecclesiasticos Privilegia pertinere posse.*

## TIT. XII.

Ratio hujus Operis: Series argumentorum, & Peroratio.

Postquam ità instituti Operis rationem insecutus eò tandem pervenerim, ut nihil superesse tractandum videatur, quod Ope-

Operis ratio instituti desiderat, quin & alibi non modo à me dictum, sed etiam multis insuper confirmatum sit rationibus & argumentis, quibus hujus *divinae Veritatis* ratio indubitato constare posse videtur: latus finem prospicio, & vel res ipsa flagitat, ut Operis instituti ratione prius repetita & exhibita, conclusionem post ipsius Operis subjiciam, & breviter perorem. Non enim, quæ me causa moverit, quove auctore ad hoc Opus conscribendum accesserim, hic in fine Operis exponam, sed *Prefationi* destinatur, quâ hæ res explicabuntur. Sed *Quæstionis* ipsius *Status*, argumenta rationesque tam mea, quam adversariorum, quibus ego meam confirmo sententiam, & hi suam tueri solent, repetam, & hoc uno in loco exhibebo.

Status *Quæstionis* hic est. *An Ecclesiasticis ulla aliunde Privilegia qualiacunque obvenerint, ad eosque*

L 5 perti-

pertineant: quin etiam obvenire, ad eosque pertinere possint, quam quæ à Prodiis suis profecta sint. Quod ego negavi: Et ne temerè & imprudentè illud viderer negasse, ipsam meæ Sententiæ Veritatem ex ipsius Naturæ & rectæ Rationis Principiis ità demonstravi, & hisce post rationibus & argumentis confirmavi. Primo loco docui. Post ambiguitatem vocis *Ecclesiasticorum* remotam; Quod *Ecclesiastici* externam duntaxat Religionem, & quidem Publicam procurent. Secundo: Oratione ad Prodeos conversâ. De Origine & Progressu Iuris & Potestatis eorum ità disputavi, ut appareat, penes eos esse omne Ius, & Potestatem Reip. sive Civitatis, & nihil Iuris aut Potestatis penes Cives esse. Et cum de naturâ Status Naturalis & Civilis potissimum, & utriusque discrimine imprimis agendum esset. Tertio loco docui: *Æqualitatem omnium hominum Naturalem Status Civilis constitutione*

ione in Privatis non mutari. Et pro-  
tere à omnem Inaequalitatem, quæ sin-  
gularum hominum est in Statu Civili  
vè Civitate à Prodiis descendere &  
derivari. Et ne quis falsa ductus  
opinione inter Ecclesiasticos &  
ceteros Cives quippiam inter esse  
discriminis arbitraretur. Quarto  
loco: *Omnem Inaequalitatem, Eccle-*  
*siasticorum, uti ceterorum, Civium,*  
*à solis quoque Prodiis procedere: Nec*  
*ullum illorum & horum discrimen es-*  
*se.* Atque hæc totius Operis &  
meæ sententiæ prima sunt funda-  
menta, & principia. Cætera e-  
nim, quæ subsequuntur, vel ad  
confirmationem meæ sententiæ,  
vel ad refutationem adversario-  
rum Doctrinæ pertinent. Nam  
cum Ecclesiastici variis Privilegio-  
rum Extraneorum generibus, cæ-  
teris se Civibus præpositos, &  
hâc ratione inæquales esse dicere  
consueverint. Quinto loco Privi-  
legiorum extraneorum genera sum-  
matim enumeravi: Et hanc qui-  
dem

dem extraneorum Privilegiorum  
summam constitui: *Quod alia di-*  
*vini, alia humani Iuris esse debeant.*  
Tum ad ea, quæ divini Juris dici  
possint, Privilegiorum genera  
transitu facto, hunc ordinem ser-  
vavi, ut *Sexto* loco docuerim:  
*Nulla divini Iuris Privilegia in sacrâ*  
*scripturâ Veteris & Novi Testamenti*  
*reperiri, quæ Ecclesiasticis Iure re-*  
*ctèque tribuantur. Et Septimo* loco:  
*Nulla etiam divini Iuris Privilegia*  
*Ratione Naturali, sive lege Naturæ*  
*à Deo hominum indita Cordibus Ani-*  
*misque declarari. Ut & Octavo* loco:  
*Nulla etiam divini Iuris Privilegia*  
*Ecclesiasticis hominibus ex voluntate*  
*Dei, extrâ ordinem, & præter Ratio-*  
*nem Naturalem patefacta deberi,*  
*quæ illis Iure rectèque tribuantur. Et*  
cum alia genera, aliasve species  
divini Juris Privilegiorum non  
occurrerent, quæ alio nomine ap-  
pellentur: aut si qua fortè sint, e-  
jus tamèn esse Naturæ & Condi-  
tionis existimarem, ut tantoperè  
ab

ab his non differant, quin eodem opere & de illis dictum sit, aut videri possit: *Nono* loco ad humana Privilegia transgressus, porrò docui: *Tria tantum esse, & quidem plura esse non posse humani Iuris Privilegiorum genera: Et speciatim: Quod nulla Privilegia cujuscunque Iuris extranei, tam antiqui, quam novi ad Ecclesiasticos pertineant. Et Decimo* dein loco: *Nulla etiam extranei Iuris Privilegia ex Pactis & Conditionibus fœderum ab extraneis Prodiis cum ipsorum Prodiis initorum, ad Ecclesiasticos pertinere posse. Et Undecimo* post loco: *Nulla etiam Privilegia ex Usu & Consuetudine contrario tam suorum, quam extraneorum veterum, & recentium Prodeorum, ad Ecclesiasticos pertinere posse.*

Et hæc ratio hujus universi Operis, hæc Series argumentorum est: ex quibus uno tanquam in loco perspicui possit, & quibus meam rationibus & argumentis sententiam

tiam confirmavi, & adversario-  
rum Doctrinam refutavi. Non  
quod omnes & singulæ hoc uno in  
loco rationes & argumenta exhi-  
beantur: aut hisce solis, quæ hîc  
exhibentur, meam confirmari  
sententiam, & adversariorum re-  
futari doctrinam arbitrer. Quod  
aliter longè se habere vel ipsa Ti-  
tulum uberior Oratio demon-  
strat. Cum ipsa hujus materiæ di-  
gnitas & amplitudo, ut deesse ra-  
tiones & argumenta non patian-  
tur, quæ etiam sæpè & passim su-  
perfuerunt, ita insuper postula-  
runt, ut rationes & argumenta no-  
vis rationibus & argumentis, con-  
firmarentur: Et vicissim adversa-  
riorum Doctrina non unâ semper  
ratione unoque argumento con-  
trario refutaretur, sed nonnun-  
quam etiam ut ipse mihi *objectio-  
nes, captationes & calumnias* fingen-  
do & refutando, adversariorum  
objectionibus, captationibus &  
calumniis occurrerem & præveni-  
rem.

rem. Usque adeò, ut bonâ fide  
profiteri auserim, ut nihil falsi sciens  
& dolo malo confinxerim, ità nec  
quippiam pro certo & indubitato  
statuisse, de quo ulla mihi qualif-  
cunque ratio dubitandi superfue-  
rit, & de quo ipsissimæ eæ ratio-  
nes & argumenta, quibus usus  
sum, mihi non satisfecerint: aliif-  
que satisfacere posse non credide-  
rim. Ut ego tandem vel hunc fru-  
ctum laboris mei mihi me pollice-  
ri & sperare auserim. Quod ipsi *Pro-*  
*dii*, qui ità suum hoc Jus & Pote-  
statem in Cives suos sint cognitu-  
ri, simul & hoc cognituri sint à  
quibus hoc Jus & Potestatem  
suum & cuius facto & decreto ac-  
ceperint. Ità nec Cives suos de  
opinionem sui, & spe melioris status  
& vitæ commodioris dejicient,  
aut defraudabunt. Ita non aliter  
Dei Opt. Max. voluntati & impe-  
rio in omnibus & per omnia in suis  
Civibus regundis obsequentur,  
quam sibi in omnibus & per o-  
mnia



omnia Cives suos obsequentes ve-  
 lint. Denique ita optimam Civi-  
 bus & utilissimam imperandi ra-  
 tionem, omni privatae utilitatis ra-  
 tione posthabita, semper sequen-  
 tur quemadmodum & ipsi velint,  
 ut in hoc & futuro saeculo ipsis uti-  
 lissima & optima quoque a Deo  
 Opt. Max. semper obveniant.  
 Ita & ipsi *Cives*, qui quid & quan-  
 tum Juris & Potestatis in Prodeos  
 suos transtulerint, sint cognituri,  
 simul & hoc cognituri sint; *Omnia*  
 Prodiis licere, sibi autem ipso Ju-  
 re *nihil* licere & hinc ipsum Deum  
 Opt. Max. in Prodiis suis (Cujus  
 divinae Majestatis *Imago* nulla cla-  
 rior, quam in ipsis Prodiis conspi-  
 citur atque representatur) in om-  
 nibus & per omnia obsequen-  
 tur: ipsi Deo Opt. Max. ita demum  
 recte servire, nec meliori rationi  
 modove in Statu Civili sive Civi-  
 tate servire posse persuasi atque  
 credentes. Nec sic locum dabunt,  
 auresque praebunt cantilenis  
 im-

impostorum & impiorum hominum (& si qui fortassis ita turpiter errare potuerint, aut etiamnum possint) qui se aliquid præcipui & privi Juris & Potestatis præ aliis Civibus consecutos, & consequi posse fingentes & simulantes, inobedientiam & hostiles mores ipsi suggerunt atque docent, contra Prodeos suos, & proinde in Deum ipsum, cui per Prodeos in Rep. sive Civitate, & in rebus ad commodum & utilitatem ejus pertinentibus, bonorum Civium officium est per omnia & in omnibus obedire, atque ita servire. Quorum impostorum, impiorum & perniciosorum hominum consiliis & proposito non tantum non consentient, sed etiam Prodeorum solum de his Jure esse judicandi & arbitrandi existimantes, non modo eorum judicio & arbitrio stant, sed & illis adversabuntur, omniumque suarum virium usum Prodiis non denegabunt in illis

M

quâ-

quâvis ratione coercendis. U  
 ita & Prodi & Cives utrinque su  
 officio benè, ex animi sui senter  
 tiâ & bonâ fide fungentes, utr  
 que Deo Opt. Max. rectè se  
 viant : & sic omnis commodi  
 publicæ utilitatis ratione solùm  
 sempèr & utrinque habitâ, omni  
 commoda & utilitates utrisqu  
 eveniant, & è contrario omnibu  
 incommodis & damnis, quæ e  
 neglectu utriusque officii ori  
 possent, nec non divinis castig  
 tionibus, occurratur & præveni  
 tur. Quod Deus Opt. Max. faxi

F I N I S.

I N D E X

TITULORUM.

I. De Ecclesiasticis: Et quod *externam* duntaxat Religionem & *Publicam* procurent.

pag. 1.

II. De Origine & Progressu Juris & Potestatis Prodeorum: ut appareat penes eos esse omne Jus & Potestatem Civitatis sive Reip. nihilque Juris aut Potestatis penes Cives esse.

7

III. Æqualitatem omnium hominum Naturalem status Civilis constitutione in *Privatis* non mutari: Et propterea omnem Inæqualitatem, quæ singulorum hominum est in statu Civili sive Civitate, à Prodiis descendere & derivari.

38

IV. Omnem Inæqualitatem Ecclesiasticorum non minus aut aliter, quam cæterorum Civium, à solis Prodiis procedere: Nec ullum illorum & horum discrimen esse.

52

V. Ecclesiasticos variis Privilegiorum extraneorum generibus cæteris se Civibus præpositos & hâc ratione inæquales esse, dicere consueviffe. Quæ Privilegiorum genera summatim enumerantur.

64

VI. Nulla divini Juris Privilegia in sacra scripturâ veteris & Novi Testamenti reperiri, quæ Ecclesiasticis Jure rectèque tribuantur:

69

M 2

VII. Nul-

I N D E X.

VII. Nulla etiam divini Juris Privilegia Ratione Naturali, sive lege Naturæ à Deo hominum inditâ Cordibus Animisque declarari, quæ Ecclesiasticis Jure rectèque tribuantur. 97

VIII. Nulla etiam divini Juris Privilegia Ecclesiasticis hominibus ex Voluntate Dei extrâ ordinem & præter Rationem Naturalem patefacta deberi, quæ illis Jure rectèque tribuantur. 108

IX. De Privilegiis humani Juris in genere. Et speciatim: quod nulla Privilegia cujuscunque Juris extranei, tam antiqui; quam novi, ad Ecclesiasticos pertineant. 127

X. Nulla etiam extranei Juris Privilegia ex Pactis & Conditionibus fœderum ab extraneis Prodiis cum ipsorum Prodiis initorum ad Ecclesiasticos pertinere posse. 135

XI. Nulla etiam Privilegia ex Usu & Consuetudine contrario tam suorum, quam extraneorum, veterum & recentium Prodeorum ad Ecclesiasticos pertinere posse. 147

XII. Ratio hujus Operis: Series argumentorum & Peroratio. 152

F I N I S.

*Hæc*

*Hac Errata Typothetica, quae Cuidam  
cursim hoc Opusculum perlegenti  
notata sunt, Lector ita corrigito &  
emendato :*

In Præfat. Pag. ult. lin. 13. edentur.

Pag. lin.

3. 8. (frustra  
6. 11. tur,  
15. Procemii  
8. 18. circumferri  
9. ult. homini  
12. 18. unâ  
15. 8. superest,  
18. 11. ni Aliquos,  
20. 5. pro eâdem  
23. 2. miserint)  
4. defierunt sibi Dii,  
30. 10. integros  
31. 14. Liberos,  
33. 8. manifesta,  
40. 16. ejus Juris &  
20. erant  
49. 23. numerasse  
24. species  
50. 24. rursus æqualem  
25. æqualis rursus  
55. 8. Inæqualitatis  
59. 22. supponi & supposi-  
61. ult. Plebem  
62. 5. vanis  
64. 12. merantur.  
71. 4. & ipsa  
72. 16. commodata,  
73. 23. etiam,  
75. 6. parere credant,

M 3

76. 3. hoc

E R R A T A.

Pag.	lin.	
76.	3.	hoc discernent.
81.	6.	clesiasticis
	12.	& illas
	15.	non sine
	19.	Ecclesiastici
	20.	cæteras illas
83.	20.	meridianâ
85.	14.	summâ
86.	24.	tanquam sibi
	25.	ti aut
90.	13.	habeant
91.	9.	gnotum est,
	12.	perspiciat.
	13.	κατὰ
	19.	fit,
	21.	κατὰ
93.	5.	credat,
	19.	ti & imperanti
95.	22.	illis certò
99.	12.	Æquales,
101.	21.	in singu-
104.	ult.	bonorum
107.	25.	Cognitionem
109.	11.	Tit. VI.
110.	5.	pretium
129.	24.	præpositi.
148.	1.	pertinere
151.	13.	potestas,
156.	21.	aliaere,

Cæter  
rum vel  
nonnullis  
quod Re  
verborum  
modi vult  
tractant  
mi ab de v  
Reu age  
cui verto  
gam qui  
borum ne  
Spes tunc  
Libi fign  
ma, ep  
imper e  
scurus G  
Argumen  
tibus in  
tunc pe  
& in ali  
incolent

Cæte-

Cæterum, si quid vel in latinitate verborum vel eorum Constructione ab *Auctore* nonnullis fortè in locis non semel erratum sit: quòd Rerum tractandarum curâ detentus, verborum curam utcunque habuerit. Cujusmodi vitia Orationis ab hâc Divinâ, quam tractavit & explicuit, *veritate* quam longissimè ab esse velit: quamvis Homines egregiis Rebus agendis & docendis ineptiores hâc curâ verborum magis teneri non nesciat, quam qui Rerum scientiâ magis, quam verborum non ità utili cognitione delectentur. Spes tamen est, in secundâ & Tertiâ hujus *Libri Singularis Editione* pleraque, si non omnia, ejus generis vitia emendaturum, & insupèr explicatius traditurum, si qua obscurius scripta sint, & novis Rationibus & Argumentis confirmaturum, si qua cuiquam minus indubitato comprobata videantur. Quæ nunc per alium, & quidem absente *Auctore* & in aliis & longinquis terris constituto & incolente, fieri nefas judicatum est.







